

摛藻堂四庫全書薈要

集部

欽定四庫全書  
舊要卷一萬七千六百十五

集部

御定全唐詩卷二百十

皇甫曾

皇甫曾字孝常冉母弟也天寶十二載登進士第歷侍御史坐事徙舒州司馬陽翟令詩名與兄相上下當時比張氏景陽孟陽云集一卷今編詩一卷

奉陪韋中丞使君遊鶴林寺

古寺傳燈久，層城閉閣間。  
香花同法侶，旌旆入深山。寒

磬虛空裏孤雲起滅間謝公憶高卧徒御一作望欲東一作

忘還

奉送杜侍御還京

一作杜中丞  
一作林中丞

罷戰回龍節朝天上

一作識  
一作見

鳳池寒生五湖道春入

及萬年枝召

一作郡

化多遺愛胡

一作官

清已畏知懷恩偏

感別墮淚向旌麾

酬鄭侍御

一作高郵

秋夜見寄

搖落空林夜河陽興已生未

一作欲

辭公府步知結遠山

情高柳風難定寒泉月助明袁公方臥雪尺素及柴荆

酬竇拾遺秋日見呈

時此公自江  
陰令除諫官

孤城永巷時相見衰柳閒門日半斜欲送近臣朝魏闕  
猶憐殘菊在陶家

韋使君宅海榴詠

淮陽臥理有清風臘月榴花帶雪紅閉閣寂寥常對此  
江湖心在數枝中

送普上人還陽羨

一作皇甫冉詩

花宮難久別道者憶千燈殘雪入林路暮山歸寺僧日  
光依嫩草泉響滴春冰何用求方便看心是一乘

送李中丞歸本道

一作送人  
作使歸

上將還專席一作宜分閨雙旌復出一作去秦關河三晉路賓  
從五原人孤戍雲連海平沙雪度春一作碣石山通海濱沱雪度春酬  
恩看玉劍何處有烟塵

和謝舍人雪夜寓直

禁省夜沈沈春風雪滿林滄洲歸客夢青瑣近一作侍臣

心揮翰宣一作宜鳴玉承恩在賜金建章寒漏起一作章臺寒雁

更助掖垣深

尋劉處士

幾年人不見林下掩柴關留客當清夜逢君話舊山隔  
城寒杵急帶月早鴻還南陌雖相近其如隱者間

哭一作傷陸處士

從此無期見柴門一作扉對雪開二毛逢世難萬恨掩泉  
臺返照空當夕孤城弔客迴漢家偏訪道猶畏一作未鶴

書來

烏程水樓留別

悠悠千里去惜此一尊同客散高樓上帆飛細雨中山  
程隨遠水楚思在一作望  
一作任青楓共說前期易滄波處處

同

一作通

題贈吳

一作雲門一作送  
雲林邑上人

春山唯一室獨坐草萋萋身寂心成道花間一作開鳥自  
啼細泉松徑裏返景竹林西晚與門人別依依出虎溪

送陸鴻漸山人採茶回

一本無回字

千峯待逋客香茗復叢生採摘知深處烟霞羨獨行幽  
期山寺遠野飯石泉清寂寂燃燈夜一作火相思磬一作一

聲

寄劉員外長卿

南憶新安郡千山帶夕陽斷猿知夜久秋草助江長踈  
髮應成素青松獨耐霜愛才稱漢主題柱待回鄉一作劉郎

寄張仲

一作衆甫

悲風生舊浦雲嶺隔東田伏臘同鷄黍柴門閉雪天孤  
村明夜火稚子候歸船靜者心相憶離居畏度年

送元侍御充使湖南

雲夢南行盡三湘萬里流山川重分手一作首徒御亦悲

秋白簡勞王事清緩助客愁離羣復多病歲晚憶滄洲

晚至華陰

臘盡促歸心行人及華陰雲霞仙掌出松柏古祠深野

渡水生岸寒川燒隔林溫泉音程一作遠漸近一作宮樹晚

沈沈

送孔徵士

谷口山多

一作多山  
一作多幽

處君歸不可尋家貧青史在身老

白雲深掃雪開松徑

疏泉通竹林餘

余一作

生負丘壑相

送亦何心

秋興

流螢與落葉秋晚共紛紛

返照城中盡寒砧雨外聞離

人見衰鬚獨鶴暮

一作幕

同羣楚客在千里相思看碧雲

送歸中丞使新羅

南憲一作憲

銜恩去東夷泛海行天遙辭上國水盡到孤

城已變炎涼氣仍愁浩淼程雲濤不可極來往見雙旌

送少微上人東南遊

石梁人不到獨往更迢迢乞食山家少尋鐘野寺遙松  
門風自掃瀑布雪難消秋夜聞清梵餘音逐海潮

送韋判官赴閩中

孤棹閩中客雙旌海上軍路人從北少海

一作嶺

水向南

分野鶴傷秋別林猿怨夜聞漢家崇亞相知子一作汝遠

邀勲

送人還

一作往 荆州

一作李嘉祐詩

草色隨驄馬悠悠同出秦水傳雲夢曉山接洞庭春帆  
影連三峽猿聲近四隣青門一分手難見杜陵人

寄淨虛上人初至雲門

一作長卿劉詩

寒蹤白雲裏法侶自提攜竹徑通城下松門隔水西方  
同沃洲去不似武陵迷彷彿方一作心知處高峯是會稽

春和杜相公移入長興宅奉呈諸宰執

欲向幽偏適還從絕地移秦官鼎食貴堯世土階卑戟

戶槐陰滿書牕竹葉垂才

一作  
纔

分午夜漏遙隔萬年枝

北闕深恩在東林遠夢知日斜門掩

一作  
杳

映山遠樹參

差論道齊鴛

一作  
鷺

翼題詩憶鳳池從公亦何幸長與珮

聲隨

路中口號

還鄉不見家年老眼多淚車馬上河橋城中好天氣

山下泉

漾漾帶山光澄澄倒林影那知石上喧却憶一作益山中

靜

早朝日寄所知

長安雪夜一作後見歸鴻紫禁朝天拜舞同曙色漸分雙

闕下一作裏漏聲遙在百花中爐煙乍起開仙仗玉珮纔

成一作行引上公共荷發生同雨露不應黃葉久隨風

秋夕寄懷契一作素上人

已見槿花朝委露獨悲孤鶴

一作憔悴

在人羣真僧出世心

無事靜夜名香手自焚

一作絕

澗聞

一作同

流水客至孤

峯掃白雲更想清晨誦經處獨看松上雪

一作雨

紛紛

張芬

一作芳

見訪郊居作

林中雨散早涼生已有迎秋促織聲三徑荒蕪羞對客

十年衰老愧稱兄愁心自惜江離晚

一作短

世事方看木

槿榮君若罷官攜手日

一作去

尋山莫算

一作計

白雲程

贈鑒上人

一作贈別  
筌公

律儀傳教誘僧臘老煙霄樹色依禪誦泉聲入寂寥寶

一作龍

龕經末劫

一作來遠國

畫壁見南朝深竹

一作戶

風開合

寒潭泉

一作月

動搖息心歸靜理愛道坐

一作定至

中宵更欲

尋真去乘船過海潮

奉寄中書王舍人

腰金載筆謁承明

一作至志

道安禪得此生西掖幾年綸

綺貴東山遙夜薜蘿情風傳刻漏星河曙月上梧桐雨

露清聖主好文誰為薦閉門空賦子虛成

送湯中丞和蕃

繼好中司出天心外國知已傳堯雨露更說漢威儀隴上應回首河源復載馳孤峯問徒御空磧見旌麾春草鄉愁起邊城旅夢移莫嗟行遠地此去答恩私

送和西蕃使

白簡初分命黃金已在腰恩華通外國徒御發中朝雨雪從邊起旌旗上罷遙暮天沙漠漠空磧馬蕭蕭寒路隨河水闊城見柳條和戎先罷戰知勝霍嫖姚

送王相公赴幽州

台袞魚戎律勤憂秉化元鳳池東拔寵龍節北方尊長  
路山河轉前驅鼓角喧人安布時令地遠答君恩暮日  
平沙迴秋風大旆翻漁陽在天末戀別信陵門

送徐大夫赴南海

舊國當分閩天涯答聖私大軍傳羽檄老將拜旌旗位  
重登壇後恩深弄印時何年諫獵賦今日飲泉詩海內  
求民瘼城隅見島夷由來黃霸去自有上台期

贈沛一作需禪師

南嶽滿一作瀟湘沅一作源吾師經利涉身歸沃洲老名與

支公接淨教傳荆吳道緣止漁獵觀空色不染對境心

自愜室中人寂寞門外山重

一作稠

疊天台積幽夢早晚

當一作歲歸負笈

萼嶺四望

漢家仙仗在咸陽洛水東流出建章野老至今猶望幸  
離宮秋樹獨蒼蒼

過劉員外長卿別墅一作碧湖別業

謝客開山後，郊扉積一作去。

水通江湖千里。

一作十年

別衰老。

一尊同返照，寒川滿平田。暮雪空滄洲，自有趣不便哭。

一作復泣途窮

遇風雨作

一作權德輿詩

草草理夜裝，涉江又登陸。望路殊未窮，指期今已促。傳呼戒徒馭，振轡轉林麓。陰雲擁巖端，霑雨當山腹。震雷如在耳，飛電來照目。獸跡不敢窺，馬蹄惟務速。虔心若

齋禱濡體如沐浴萬竅相怒號百泉暗奔瀑危梁慮足  
跌峻坂憂車覆問我何以然前日愛微祿轉知人代事  
纓組乃微東向若家居時安枕春夢熟遵途稍已近候  
吏來相續曉霧心始安林端見初旭

送商州杜中丞赴任

安康地理接商於帝命專城總賦輿夕拜忽辭青瑣闈  
晨裝獨捧紫泥書深山古驛分騶騎芳草闊雲逐隼旟  
綺皓清風千古在因君一為謝巖居

送著公歸越

誰能愁此別到越會相逢長憶雲門寺門前千萬峯石  
牀埋積雪山路倒枯松莫學白居一作衣士無人知去蹤

送鄭秀才貢舉

西去意如何知隨貢士科吟詩向月路驅馬出煙蘿晚  
色寒蕪遠秋聲候雁多自憐歸未得相送一勞歌

錫杖歌送明楚上人歸佛川

一作權德輿詩

上人遠自西天至頭陀行遍南朝寺口翻貝葉古字經

手持金策聲泠泠護法護身惟振錫石瀨雲溪深寂寂  
乍來松徑風露寒遙暎霜天月成魄後夜空山禪誦時  
寥寥挂在枯樹枝真法嘗傳心不住東西南北隨緣路  
佛川此去何時迴應真莫便遊天台

玉山嶺上作

悠悠驅匹馬征路上連岡晚翠深雲竇寒臺淨石梁秋  
花偏似雪楓葉不禁霜愁見前程遠空郊下夕陽

國子柳博士兼領太常博士輒申賀贈

博士本秦官求才帖職難臨風曲臺淨對月碧池寒講學分陰重齋祠曉漏殘朝衣辨色處雙綬更宜看

送裴秀才貢舉

儒衣羞此別去抵漢公卿賓貢年猶少篇章藝已成臨流惜暮景話別起鄉情離酌不辭醉西江春草生

贈老將

白草黃雲塞上秋曾隨驃騎出并州轆轤劍折虬鬚白轉戰功多獨不侯

御定全唐詩卷二百十

欽定四庫全書  
欽定全唐詩卷一百一十一

集部

御

定全唐詩卷一百一十一

高適

高適字達夫渤海蓱人舉有道科釋褐封丘尉不得志去游河右哥舒翰表為左驍衛兵曹掌書記進左拾遺轉監察御史潼關失守適奔赴行在擢諫議大夫節度淮南李輔國譖之左授太子少詹事出為蜀彭二州刺史進成都尹劍南西川節度使召為刑部侍郎轉散騎

常侍封渤海縣侯永泰二年卒贈禮部尚書謚曰忠適  
喜功名尚節義年過五十始學為詩以氣質自高每吟  
一篇已為好事者傳誦開寶以來詩人之達者惟適而  
已集二卷今編四卷

銅雀妓

日暮銅雀迴秋深玉座清蕭森松栢望委鬱綺羅情君  
恩不再得妾舞為誰輕

塞下曲

結束浮雲駿翩翩出從戎且憑天子怒復倚將軍雄萬

鼓雷殷地千旗火生風日輪駐霜戈月魄懸瑣弓青海

陣雲匝黑山兵氣衝戰酣太白高戰罷旄頭空

一本無戰酣二

句萬里不惜死一朝

一作陣

得成功畫圖麒麟閣入朝明

光宮大笑向文士一經何足窮古人昧此道往往成老

翁

塞上

東出盧龍塞浩然客思孤亭堠列萬里漢兵猶備胡邊

塵漲北溟虜騎

一作塞馬

正南驅轉聞。豈長策和親非遠圖。

惟昔李將軍按節出皇

一作臨

此都總戎掃大漠一戰擒單

于常懷感激心願効縱橫謨倚劍欲誰語關河空鬱紆

薊門行五首

薊門逢古

一作故

老獨立思氛氳一身既零丁頭鬚白紛

紛勲庸今已矣不識霍將軍

漢家能用武開拓窮異域戍卒厭糠穀降胡飽衣食關

一  
開  
亭試一望吾欲淚沾臆

邊城十一月雨雪亂霏霏元戎號令嚴人馬亦輕肥旄

胡無盡日征戰幾時歸

幽州多騎射結髮重橫行一朝事將軍出入有聲名紛  
紛獵秋草相向角弓鳴

黯黯

一作莊莊

長城外日沒更煙塵胡騎雖憑陵漢兵不顧

身古樹滿空塞黃雲愁殺人

效古贈崔二

十月河洲時一看有歸思風颺生慘烈雨雪暗天地我

輩今胡為浩哉迷所至緬懷當塗者濟濟居聲位邈然  
在雲霄寧肯更淪躡周旋多燕樂門館列車騎美人笑  
容姿狹室簡虧氣金鑪陳獸炭談笑正得意豈論草澤  
中有此枯槁士我慙經濟策久欲甘棄置君負縱橫才  
如何尚顚頽長歌增鬱快對酒不能醉窮達自有時夫  
子莫下淚

鉅鹿贈李少府

李侯雖薄宦時譽何籍籍駿馬常借人黃金每留客投

壺華館靜縱酒涼風夕即此遇神仙吾欣知損益

東平留贈狄司馬

曾與田安  
西充判官

古人無宿諾茲道以一作未為難萬里赴知己一言誠可

歎馬蹄經月窟劒術指樓蘭地出北庭盡城臨西海寒

森然瞻武庫則是

一作剛若

美儒翰入幕綰銀綬乘輶兼鐵

冠練兵日精銳殺敵無遺殘獻捷見天子論功俘可汗

激昂丹墀下顧盼青雲端誰謂縱橫策翻為權勢干將

軍旣坎壈使者亦辛酸耿介挹

一作揖

三事羈離從一官

知君不得意他日會鵬搏

過盧明府有贈

良吏不易得古人今可傳靜然本諸已以此知其賢我  
行挹高風羨爾兼少年胸懷豁清夜史漢如流泉明日  
復行春逶迤出郊壇登高見百里桑野鬱芊芊時平俯  
鵠巢歲熟多人烟奸猾唯閉戶逃亡歸種田廻軒自郭  
南老幼滿馬前皆賀蠶農至一作事而無徭役牽君觀黎  
庶心撫之誠萬全何幸逢大道願言烹小鮮能奏明廷

主一作誰能

秦明主

# 一試武城弦

單父逢鄧司倉覆倉庫因而有贈

邦牧今坐嘯羣賢趨紀綱四人忽不擾耕者遙相望粲  
粲府中妙授詞如履霜炎炎伏熱時草木無晶光匹馬  
度睢水清風何激揚校緝閑帑藏發廩欣斯箱邂逅得  
相逢歡言至夕陽開襟自公餘載酒登琴堂舉杯挹山  
川寓目窮毫芒白鳥向田盡青蟬歸路長醉中不惜別  
況乃正遊梁

薊門不遇王之煥郭密之因以留贈

適遠登薊丘茲晨獨騷屑賢交不可見吾願終難說迢  
遞千里遊羈離十年別才華仰清興功業嗟芳節曠蕩  
阻雲海蕭條帶風雪逢時事多謬失路心彌折行矣勿  
重陳懷君但愁絕

寄蓋五少府

秋氣一作風落窮巷離憂兼暮蟬後時已如此高興亦徒

然知君念淹泊憶我屢周旋征路見來雁歸人悲遠天

平生感

一作各

千里相望在貞堅

一作賢

苦雨寄房四

一作休

昆季

獨坐見多雨况茲兼索居茫茫十月交窮陰千里餘彌

望無端倪北風擊林簫白日

一作月

渺難覩

一作見

黃雲爭

卷舒安

一作馬

得造化功曠然一掃除滴瀝簷宇愁寥

一作一

寂寥談笑疎泥塗擁城郭水潦盤邱墟惆悵閭田農裴

回傷里闈曾是力井

一作耕

稅曷為

一作云

無斗儲萬事切

中懷十年思上書君門嗟緬邈身計念居諸沈吟顧草

茅齋快任盈虛黃鸝一作鵠不可羨雞鳴時起予故人平

臺側高館臨通衢兄弟方荀陳才華冠應徐彈棊自多

暇飲酒更一作復何如知人想林宗直道慙史魚擣手風

流一作風在開襟鄙吝祛寧能訪窮巷相與對園一作嘉家

蔬

和賀蘭判官望北海作

聖代務平典輜軒推上才迢遙一作亭溟海際曠望滄波

開四牡未遑息三山安在哉巨鱉不可釣高浪何崔嵬

湛湛朝百谷茫茫連九垓挹流納廣大觀異增遲迴日  
出見魚目月圓知蚌胎跡非想像到心以精靈猜遠色  
帶孤嶼虛聲涵殷雷風行越裳貢水遏天吳災攬轡隼  
將擊忘機鷗復來緣情韻騷雅獨立遺塵埃吏道竟殊  
一作吾用翰林仍忝陪長鳴謝知己所媿非龍媒

和崔二少府登楚丘城作

故人亦不遇異縣久棲託辛勤失路意感歎登樓作清  
晨眺原野獨立窮寥廓雲散芒碭山水還睢陽郭繞梁

即襟帶封衛多漂泊事古悲城池年豐愛墟落相逢俱  
未展携手空蕭索何意千里心仍求百金諾公侯皆我  
輩動用在謀畧聖心思賢才竭來刈葵藿

酬司空璲少府

飄颻未得意感激與誰論昨日遇夫子仍欣吾道存江  
山滿詞賦札翰起涼溫吾見風雅作人知德業尊驚颺  
蕩萬木秋氣屯高原燕趙何蒼茫鴻雁來翩翩此時與  
君別握手欲無言

酬李少府

出塞魂屢一作猶驚懷賢意難說誰知吾道間乃在客中  
別日夕捧瓊瑤相思無休歇伊人雖薄宦舉代推高節

述作凌江山聲華滿冰雪一登薊丘上一作山四顧何慘

烈來雁無盡時邊風正騷屑將從崖谷遁且與沈淳絕

君若登青雲余當投魏闕

酬裴秀才

男兒貴得意何必相知早飄蕩與物永一作華蹉跎覺年

一作  
身  
老長卿無產業季子慙妻嫂此事難重陳未於一作

為衆人道

酬陸少府

朝臨淇水岸還望衛人邑別意在山阿征途背原隰蕭

蕭一作稍稍

前村口唯見轉蓬入水渚人去遲霜天雁飛急

固應不遠別

一作我行終所與路

一作終未及欲濟川上舟

相思空佇立

奉酬北海李太守丈人夏日平陰亭

天子股肱守丈人山嶽靈出身侍丹墀舉翮凌青冥當  
昔皇運否人神俱未寧諫官莫敢議酷吏方專刑谷永  
獨言事匡衡多引經兩朝納深衷萬乘無不聽盛烈播  
南史雄詞豁東溟誰謂整隼旂翻然憶柴扃寄書汶陽  
客回首平陰亭開封見千里結念存百齡隱軫江山麗  
一作氣  
來氤氳蘭茝馨自憐遇時休漂泊隨流萍春野變木  
德夏天臨火星一生徒羨魚四十猶聚螢從此日間放  
焉能懷拾青

酬馬八效古見贈

深谿  
一作

崖無綠竹秀色徒氛氲時代種桃李無人顧此

君奈何冰雪操尚與蒿萊羣願託靈仙子一聲吹入雲

酬鴻臚裴主簿雨後睢陽北樓見贈之作

一作王昌

詩齡

暮霞照新晴歸雲猶相逐有懷晨昏暇想見登眺目問  
禮侍彤襜題詩訪茅屋高樓多古今陳事滿陵谷地久  
微子封臺餘孝王築裴回顧霄漢豁達俯川陸遠水對

秋城長天向喬木公門何清淨列戟森已肅不歎攜手

稀恒思著鞭速終當拂羽翰輕舉隨鴻鵠

酬裴員外以詩代書

少時方浩蕩遇物猶塵埃脫畧身外事交遊天下才單  
車入燕趙獨立心悠哉寧知戎馬間忽展平生懷且欣  
清論高豈顧夕陽頽題詩碣石館縱酒燕王臺北望沙  
漠垂漫天雪皚皚臨邊無策畧覽古空裴回樂毅吾所  
憐拔齊翻見猜荆卿吾所悲適秦不復迴然諾多死地

公忠成禍胎與君從此辭每恐流年催如何俱老大始  
復忘形骸兄弟真二陸聲名連八裴乙未將星變賊臣  
候天災胡騎犯龍山乘輿經馬嵬千官無倚着萬姓徒  
悲哀誅呂鬼神動安劉天地開奔波走風塵倏忽值雲  
雷擁旄出淮甸入幕徵楚材誓當剪鯨鯢永以竭駕駘  
小人胡不仁讒我成死灰賴得日月明照耀無不諉留  
司洛陽宮詹府唯蒿萊是時掃氛祲尚未殲渠魁背河  
列長圍師老將亦乖歸軍劇風火散卒爭椎埋一夕瀍

洛空生靈悲曝腮衣冠投草莽予欲馳江淮登頓宛葉  
下棲遑襄鄧隈城池何蕭條邑屋更崩摧縱橫荆棘叢  
但見瓦礫堆行人無血色戰骨多青苔遂除彭門守因  
得朝玉階激昂仰鵠鷺獻替欣鹽梅驅傳及遠蕃憂思  
鬱難排罷人紛爭訟賦稅如山崖所思在畿甸曾是曾  
宓儕自從拜郎官列宿煥天街那能訪遐僻還復寄瓊  
瓈金玉本高價墳築終易謝朗詠臨清秋涼風下庭槐  
何意寇盜間獨稱名義偕辛酸陳侯誄

陳二補闕銘  
誄即裴所為

歎

息季鷹杯白日屢分手青春不再來卧看申散論愁憶  
太常齋酬贈徒為爾長歌還自咍

酬龐十兵曹

憶昔遊京華自言生羽翼懷書訪知己末路空相識許  
國不成名還家有慙色託身從畝畝浪跡初自得雨澤  
感天時耕耘忘帝力同人洛陽至問我睢水北遂爾欵  
津涯淨然見胸臆高談懸物象逸韻投翰墨別岸迴無  
垠海鶴鳴不息梁城多古意攜手共悽惻懷賢想鄒枚

登高思荆棘世情惡疵賤之子憐孤直酬贈感并深離  
憂豈終極

同呂員外酬田著作幕一作莫門軍西宿盤山秋

夜作

磧路天早秋邊城夜應永遙傳戎旅作已報關山冷上  
將頓盤阪諸軍徧泉井綢繆閭外書慷慨幕中請能使  
勲業高動令氛霧屏遠途能自致短步終難騁羽翮時  
一看窮愁始三省人生感然諾何啻若形影白髮知苦

心陽春見佳境

一作景

星河連塞絡刀斗

兼

山靜憶君霜

露時使我空引領

酬祕書弟兼寄幕下諸公

并序

乙亥歲適徵詣長安時侍御楊公任通事舍人詩  
書起予益終日矣今年適自封丘尉統吏卒於青  
夷途經博陵得太守賈公之政相見如舊他日之  
意存焉司業張侯周旋迨茲僅三十載將疇昔是  
好匪窮達之異乎族弟祕書鴈序之白眉者風塵

一別俱東西南北之人愴然相逢適與願契旅館  
之暇長懷益增因賦是詩愧非六義之流也

亞相膺時傑羣才遇良工翩翩幕下來拜賜甘泉宮信  
知命世奇適會非常功侍御執邦憲清詞煥春叢末路  
望繡衣他時常發蒙孰云三軍壯懼我彈射雄誰謂萬  
里遙在我樽俎中光祿經濟器精微自深衷前席屢榮  
問長城蕪在躬高蹤激頽波逸翮馳蒼穹將副節制籌  
欲令沙漠空司業志應徐雅度思沖融相思三十年憶

昨猶兒童今來抱青紫忽若披鶴鴻說劍增慷慨論交  
持始終秘書即吾門虛白無不通多才陸平原碩學鄭  
司農獻封到關西獨步歸山東永意久知處嘉言能亢  
宗客從梁宋來行役隨轉蓬酬贈欣元弟憶賢瞻數公  
游鱗戲滄浪鳴鳳棲梧桐並負垂天翼俱乘破浪風  
睨天府間偃仰誰敢同何意構廣廈翻然顧雕蟲應知  
阮步兵惆悵此途窮

淇上酬薛三據兼寄郭少府徵

一作王昌齡詩

自從別京華我心乃蕭索十年守章句萬事空寥落北

上登薊門茫茫見沙漠倚劍對風塵慨然思衛霍拂衣

去燕趙驅馬悵不樂天長滄洲路日暮邯鄲郭酒肆或

淹留漁潭屢棲泊獨行備艱險所見窮善惡永願拯芻

蕘孰云

一作解

千鶴籞皇情念淳古時俗何浮薄理道資

須一作

任賢安人在求瘼故交負靈奇逸氣抱謇諤隱軫經

濟具縱橫建安作才望忽先鳴風期無宿諾飄颻勞州

縣迢遞限言謔東馳眇貝邱西顧彌虢略淇水徒自流

浮雲不堪託吾謀適可用天路豈寥廓不然買山田一  
身與耕鑿且欲同鷦鷯焉能志鴻鵠一作鶴

酬岑二十主簿秋夜見贈之作

舍下蛩亂鳴居然自蕭索緬懷高秋興忽枉清夜作感  
物我心勞涼風驚二毛池枯菡萏死月出梧桐高如何  
異鄉一作州縣復得交才彥汨沒嗟後時蹉跎恥相見箕

山別來久魏闕誰不戀獨有江海心悠悠一作然未嘗倦

答侯少府

常日好讀書晚年學垂綸漆園多喬木睢水清粼粼詔  
書下柴門天命敢逡巡赫赫三伏時十日到咸秦褐衣  
不得見黃綬翻在身吏道頓羈束生涯難重陳北使經  
大寒關山饒苦辛邊兵若芻狗戰骨成埃塵行矣勿復  
言歸歟傷我神如何燕趙陲忽遇平生親開館納征騎  
彈絃娛遠賓飄颻天地間一別方茲晨東道有佳作南  
朝無此人性靈出萬象風骨超常倫吾黨謝王粲羣賢  
推郊說明時取秀才落日過蒲津節苦名已富祿微家

轉貧相逢愧薄遊撫已荷陶釣心事正堪盡離居一作憂

憂

寧太頻兩河歸路遙二月芳草新柳接滹沱暗鶯連渤海

春誰謂行路難猥當希代珍提握每終日相思猶比鄰江海有扁舟丘園有角巾君意定何適我懷知所遵浮沈各異宜老大貴全真莫作雲霄計惶惶隨縉紳

宋中別周梁李三子

曾是不得意適來兼別離如何一尊酒翻作滿堂悲周子負高價梁生多逸詞周旋梁宋間感激建安時白雪

一作雲

正如此青雲

一作天

無自疑李侯懷英雄

一作清英

骯髒

乃天資方寸且無間衣冠當在斯俱為千里遊

忽勿

念兩鄉辭且見壯心在莫嗟攜手遲涼風吹北原落日

浦照

一作西坡露下草初白天長雲屢滋我心不可問

一作

得君去一作兮定何之京洛多知己誰能憶左思

宋中別李八

歲晏誰不歸君歸意可說將趨倚門望還念同人別駐  
馬臨長亭飄然事明發蒼茫眺千里正值苦寒節舊國

多轉蓬平臺下明月世情薄疵賤夫子懷賢哲行矣各  
勉旃吾當挹餘烈

別王徹

歸客自南楚悵然思北林

一作留

蕭條秋風暮回首江淮

臨

深留君終日

一作連

愁

歡或為梁父吟時輩想鵬舉他人

嗟陸沈載酒登平臺贈君千里心浮雲暗長路落日有

歸禽離別未足悲辛勤當自任吾知十年後季子多黃

金

送蕭十八與房侍御迴還

常苦

一作悲

古人遠今見斯人古澹泊遺聲華周旋必鄒

魯故交在梁宋遊方出庭戶匹馬鳴朔風一身濟河滸

辛勤采蘭詠歎曲翰林主歲月催別離庭闈遠風土寥

寥寒煙靜莽莽夕陰吐

一作雲

苦明發不在茲青天眇難覩

宋中送族姪式頤

時張大夫貶括州使

人名式頤遂有此作

大夫擊東胡胡塵不敢起胡人山下哭胡馬海邊死部  
曲盡公侯輿臺亦朱紫當時有勲業末路遭讒毀轉旆

燕趙間剖符括蒼裏弟兄莫相見親族遠粉粹不改青  
雲心仍招布衣士平生懷感激本欲候知已去矣難重  
陳飄然自茲始遊梁且未遇適越今何以鄉山西北愁  
竹箭東南羨崢嶸縉雲外蒼莽幾千里旅雁悲啾啾朝  
昏孰云已登臨多瘴癘動息在風水雖有賢主人終為  
客行子我擣一尊酒滿酌聊勸爾勸爾惟一言家聲勿

淪淳

又送族姪式顏

惜君才未遇愛君才若此世上五百年吾家一千里俱遊帝城下忽在梁園裏我今行山東離憂不能已

贈別王十七管記

故交吾未測薄宦空年歲晚節蹤曩賢雄詞冠當世堂中皆食客門外多酒債產業曾未言衣裘與人敝飄颻戎幕下出入關山際轉戰輕壯心立談有邊計雲沙自迴合天海空迢遞星高漢將驕月盛胡兵銃沙深冷陘斷雪暗遼陽閉亦謂掃攬槍旋驚陷蜂蠭歸旌告東捷

鬪騎傳西敗遙飛絕漢書已築長安第畫龍俱在葉寵  
鶴先居衛勿辭部曲勲不藉將軍勢相逢季冬月悵望  
窮海裔折劒留贈人嚴裝遂云邁我行將悠訥說文與  
綱同

及此還羈滯曾非濟代謀且有臨深誠隨波混淆濁與  
物同醜麗眇憶青巖棲寧忘褐衣拜自言愛一作  
借水石

本欲親蘭蕙何意薄松筠翻然重管蒯恒深取與分孰  
慢平生契歎曲雞黍期酸辛別離袂逢時愧名節遇坎  
悲淪替適趙非解紛遊燕往一作獨無說浩歌方振蕩逸

翮思凌勵倏若異鵬搏吾當學蟬蛻

漣上別王秀才

飄飄經遠道客思滿窮秋浩蕩對長漣君行殊未休崎  
嶇山海側想像無前傳何意一作豈謂照乘珠忽然欲暗投

東路方蕭條楚歌復悲愁暮帆使人感去鳥無離憂行  
矣當自愛壯年莫悠悠余亦從此辭異鄉難久留贈言  
豈終極慎勿滯滄洲

贈別沈四逸人一作士

沈侯未可測其況信浮沈十載常獨坐幾人知此心乘

舟臨滄海買劒投黃金世務不足煩有田西山岑我來

遇知已遂得開清襟何意闔閭間沛然江海深疾風掃

秋樹濮上多鳴砧耿耿尊酒前聯雁飛愁音

一作陰

平生

重離別感激對孤琴

一作吟

送韓九

惆悵別離日裴回歧路前歸人望獨樹匹馬隨秋蟬常  
與天下士許君兄弟賢良時正可用行矣莫徒然

送崔錄事赴宣城

大國非不理小官皆用才欲行宣城印住飲洛陽梧晚  
景為人別長天無鳥迴舉帆風波渺倚棹江山來羨爾  
無乘輿蕪湖千里開

別一作送張少府


歸客留不住朝雲縱復橫馬頭向春草斗柄臨高城嗟  
我久離別羨君看弟兄歸心更難道回首一作益傷情

淇上別劉少府子莫

近來住淇上蕭條惟空林又非耕種時閒散多自任伊  
君獨知我驅馬欲招尋千里忽攜手十年同苦心求仁  
見交態於道喜甘臨逸思乃天縱微才應陸沈飄然歸  
故鄉不復問離襟南登黎陽渡莽蒼寒雲陰桑葉原上  
起河凌山下深途窮更遠別相對益一作悲吟

別耿都尉

四十能學劍時人無此心如何耿夫子感激投知音翩  
翩白馬來二月青草深別易小千里興酣傾百金



御定全唐詩卷二百十一

謹案卷二百十第四頁前四行一作齧刊本齧訛

磬今改



總校官庶士臣張能照  
校對官檢討臣王鍾健

謄錄監生臣李青標

謄錄監生臣李帶雙

欽定四庫全書會要

集部

御定全唐詩卷二百十四

二至

詳校官候補通政司經歷臣郭祚熾

臣紀昀詳校

欽定四庫全書會要卷一萬七千六百十七集部

御定全唐詩卷二百十二

高適

宋中遇林慮楊十七山人因而有別

昔年涉漳水驅車行鄴西遙見林慮山蒼蒼漫天倪邂逅逢爾曹說君彼巖棲蘿徑垂野蔓石房倚雲梯秋韭何青青藥苗數百畦栗林隘谷口枯樹森迴谿耕耘有山田紡績有山妻人生苟一作但如此何必組與珪誰謂

遠相訪曩情殊不迷簷前舉醇醪竈下烹隻雞朔風忽  
振蕩昨夜寒蟬啼遊子益思歸罷琴傷解攜出門盡原  
野白日黯已低始驚道路難終念言笑睽因聲謝岑壁  
歲暮一攀躋

酬別薛三蔡大留簡韓十四主簿

迢遞辭京華辛勤異鄉縣登高俯滄海迴首淚如霰同  
人久離別失路還相見薛侯懷直道德業應時選蔡子  
負清才當年擢賓薦韓公有奇節詞賦凌羣彥讀書嵩

岑間作吏滄海甸伊余寡棲託感激多愴見縱誕非爾  
情飄淪任疵賤忽枉瓊瑤作乃深平生眷始謂吾道存  
終嗟客遊倦歸心無晝夜別事除言宴復值涼風時蒼  
茫夏雲變

送虞城劉明府謁魏郡苗太守

天官蒼生望出入承明廬肅肅領舊藩皇皇降璽書茂  
宰多感激良將復吹噓永懷一言合誰謂千里疎對酒  
忽命駕茲情何起予炎天晝如火極目無行車長路出

雷澤浮雲歸  
孟諸魏郡十萬家  
歌鐘喧里闕  
傳道賢君至  
閑闥常晏如  
君將挹高論  
定是問樵漁  
今日逢明聖  
吾為陶隱居

途中酬李少府贈別之作

西上逢節換  
東征私自憐  
故人今卧疾  
欲別還留連  
舉酒臨南軒  
夕陽滿中庭  
寧知江上興  
乃在河梁偏行李  
多光輝札翰  
忽相鮮誰謂  
歲月晚交情尚  
貞堅終嗟州  
縣勞官謗復速  
雖負忠信美其如  
方寸懸連帥扇清

風千里猶眼前昔日是趨藻鏡不應翻棄捐日來知自彊  
風氣殊未痊可以加藥物胡為輒愛煎驅馬出大梁原  
野一悠然柳色感行客雲陰愁遠天皇明燭幽遐德澤  
普照宣鶴鴻列霄漢燕雀何翩翩予亦愜所從漁樵十  
二年種瓜漆園裏鑿井盧門邊去去勿重陳生涯難勉  
旃或期遇春事與爾復周旋投報空回首狂歌謝比肩

睢陽酬別暢大判官

吾友遇知已策名逢聖朝高才擅白雪逸翰懷青霄承

詔選嘉賓

一作兵

既然即馳軺清晝下公館尺書忽相

邀留歡惜別離畢景駐行轍言及沙漠事益令胡馬驕

丈夫拔東蕃聲冠霍嫖姚兜鍪衝矢石鐵甲生風颺諸

將出冷

一作井

陘連營濟石橋首豪盡俘馘子弟輸征徭

邊庭絕刃斗戰地成漁樵榆闌夜不扃塞口長蕭蕭降

胡滿薊門一一能射鵠軍中多宴樂馬上何輕趨戎狄

本無厭羈縻非一朝飢附誠足用飽飛安可招李牧制

儉藍遺風豈寂寥君還謝幕府慎勿輕芻蕘

宴韋司戶山亭院

人幽想靈山意愜憐遠水習靜務為適所居還復爾波  
流漲華池開酌宴君子苔逕試窺踐石屏可攀倚入門  
見中峰攜手如萬里橫琴了無事垂釣應有以高館何  
沈沈颯然涼風起

同諸公登慈恩寺浮圖

香界泯羣有浮圖豈諸相登臨駭孤高披拂欣大壯言  
是羽翼生迴出虛空上頓疑身世別乃覺形神玉宮闕

皆戶前山河盡簷向秋風昨夜至秦塞多清曠千里何  
蒼蒼五陵欝相望盛時慙阮步末宦知周防輸效獨無  
因斯焉可遊放

同薛司直諸公秋霽曲江俯見南山作

南山欝初霽曲江湛不流若臨瑤池前想望崑崙丘迴  
首見黛色眇然波上秋深沈俯峰嶧清淺延阻修連潭  
萬木影插岸千巖幽杳靄信難測淵淪無暗投片雲對  
漁父獨鳥隨虛舟我心寄青霞世事慙白鷗得意在乘

興忘懷非外求良辰自多暇欣與數子遊

登廣陵棲靈寺塔

淮南富登臨茲塔信奇最直上造雲族憑虛納天籟迥然碧海西獨立飛鳥外始知高興盡適與賞心會連山點吳門喬木吞楚塞城池滿窓下物象一作華歸掌內遠思駐江帆暮時一作晴結春靄軒車疑蠢動造化資大塊何必了無身然後知所退

登百丈峰二首

朝登百丈峰遙望燕支道漢壘青冥間胡天白如掃憶  
昔霍將軍連年此一作北征討匈奴終不滅寒山徒草草

唯見一作有鴻雁飛令人傷懷抱

晉武輕後事惠皇終已昏豺狼塞瀍洛胡羯爭乾坤四  
海如鼎沸五原徒自尊而今白庭路猶對青陽門朝市  
不足問君臣隨草根

同羣公秋登琴臺

古跡使人感琴臺空寂寥靜然顧遺塵千載如昨朝臨

眺自茲始羣賢久相邀德與形神高孰知天地遙四時  
何倏忽六月鳴秋蜩萬象歸白帝平川橫赤霄猶是對  
夏伏幾時有涼颸燕雀滿簷楹鴻鵠搏扶搖物性各自  
得我心在漁樵兀然還復醉尚握尊中瓢

同羣公出獵海上

畋獵自古昔況伊心賞俱偶與羣公遊曠然出平蕪層  
陰漲溟海殺氣窮幽都鷹隼何翩翩馳驟相傳呼豺狼  
竄榛莽麋鹿罹艱虞高鳥下驛弓困獸闢匹夫塵驚大

澤晦火燎深林枯失之有餘恨獲者無全軀咄彼工拙  
間恨非指蹤徒猶懷老氏訓感歎此歡娛

同羣公題鄭少府田家

此公昔任白馬尉今寄住滑臺

鄭侯應淒惶五十頭盡白昔為南昌尉今作東郡客與  
語多遠情論心知所益秋林既清曠窮巷空浙瀝蝶舞  
園更閒雞鳴日云夕男兒未稱意其道固無適勸君且  
杜門勿歎人事隔

同羣公題中山寺

平原十里外稍稍雲巖深遂及清淨所都無人世心名  
僧既禮謁高閣復登臨石壁倚松徑山田多栗林超遙  
盡嶽崿逼側仍嶇嶮吾欲休世事於焉聊自任

同羣公宿開善寺贈陳十六所居

駕車出人境避暑投僧家裴回龍象側始一作如見香林

花讀書不及經飲酒不勝茶知君悟此道一作理所未搜

披一作袈裟談空忘外物特誠破諸邪則是無心地相看

一作唯月華

知

同韓四薛三東亭翫月

卷一百一十二

遠遊帳不樂茲賞吾道存歎曲故人意辛勤清夜言東  
亭何寥寥佳境無朝昏堦墀近洲渚戶牖當郊一作高原

矧乃窮周旋游時一作日怡討論樹陰蕩瑤瑟月氣延清

尊明河一作月帶飛雁野火連荒村對此更愁予悠哉懷

故園

同敬八盧五汎河間清河

清川在城下沿汎多所宜同濟愜數公翫物欣良時飄

風波上興燕  
婉舟中詞旨陟  
乃平原今來忽漣漪東流  
達滄海西流延滹池  
雲樹共晦明井邑相逶迤  
稍隨歸月帆若與沙鷗期  
漁父更留我前潭水未滋

同房侍御山園新亭與邢判官同遊

隱隱春城外  
朦朧陳跡深  
君子顧榛莽  
興言傷古今  
決河導新流  
疏逕蹤舊林  
開亭俯川陸  
時景宜招尋  
肅穆逢使軒  
夤緣事登臨  
忝遊芝蘭室  
還對桃李陰  
岸遠白波來  
氣喧一作喧黃鳥吟  
因睹歌頌作  
始知經濟心灌壇

有遺風單父多鳴琴誰為久州縣蒼生懷德音

同馬太守聽九思法師講金剛經

吾師晉陽寶傑出山河最途經世諦間心到空王外鳴  
鐘山虎伏說法天龍會了義同建飯梵法若吹籟深知  
億劫苦善喻恒沙大捨施割肌膚攀緣去親愛招提何  
清淨良牧駐輕蓋露冕衆香中臨人覺苑內心持佛印  
久標割魔軍一作鬼退願開一作聞初地因永奉彌天對

連上題樊氏水亭

連上非所趣偶為世務牽經時駐歸棹日夕對平川莫  
論行子愁且得主人賢亭上酒初熟厨中魚每鮮自說  
宦遊來因之居住偏煮鹽滄海曲種稻長淮邊四時常  
晏如百口無飢年菱芋藩籬下漁樵耳目前異縣少朋  
從我行復遠邇向不逢此君孤舟已言旋明日又分首

一作手  
風濤還眇然

同呂判官從哥舒大夫破洪濟城迴登積石軍

多福一本有  
二字  
七級浮圖

塞口連濁河轅門對山寺寧知鞍馬上獨有登臨事七  
級凌太清千崖列蒼翠飄飄一作方寓目想像見深意

高興殊未平涼風颯然至拔城陣雲合轉旆胡星隊大  
將何英靈官軍動天地君常懷生羽翼本欲附騏驥

歎段苦不前青冥信難致一歌陽春後三歎終自愧

三君詠

并序

開元中適遊於魏郡郡北有故太師鄭公舊館里  
中有故尚書郭公遺業邑外又有故太守狄公生

祠焉覩物增懷遂為三君詠

魏鄭公徵

鄭公經綸日隋氏風塵昏濟代取高位逢時敢直言道  
光先帝業義激舊君恩寂寞卧龍處英靈千載魂

郭代公元振

代公實英邁津涯浩難識擁兵抗矯徵仗節歸有德縱  
橫負才智顧盼安社稷流落勿重陳懷哉為悽惻

狄梁公

仁傑

梁公乃貞固勲烈垂竹帛昌言太后朝潛運儲君策待  
賢開相府共理登方伯至今青雲一作霄人猶是門下客

宓公琴臺詩三首

甲申歲適登子賤琴臺賦詩三首首章懷宓公之  
德千祀不朽次章美太守李公能嗣子賤之政再  
造琴臺末章多邑宰崔公能繼子賤之理

宓子昔為政鳴琴登此臺琴和人亦閒千載稱其才臨  
眺忽懷愴人琴安在哉悠悠此天壤唯有頌聲來

邦伯感遺事慨然建琴堂乃知靜者心千載猶相望入  
室想其人出門何茫茫唯見白雲合東臨鄒魯鄉

皤皤邑

一作巴

中老自誇邑中理何必升君堂然後知君

羨開門無犬吠早卧常晏起昔人不忍欺今我還復爾

李雲南征蠻詩

并序

天寶十一載有詔伐西南夷右相楊公兼節制之  
寄乃奏前雲南太守李宓涉海自交趾擊之道路  
險艱往復數萬里蓋百王所未通也十二載四月

至於長安君子是以知廟堂使能而李公効節適  
忝斯人之舊因賦是詩

聖人赫斯怒詔伐西南戎肅穆廟堂上深沈節制雄遂  
令感激士得建一作見非常功料死不料敵顧恩寧顧終

鼓行天海外轉戰蠻夷中梯巒近高鳥穿林經毒蟲鬼  
門無歸客北戶多南風蜂蠭隔萬里雲雷隨九攻長驅  
大浪破急擊羣山空餉道忽已遠懸軍垂欲窮精誠動  
白日憤薄連蒼穹野食掘田鼠哺餐兼僰僮收兵列亭

堠拓地彌西東臨事恥苟免履危能飭躬將星獨照耀  
邊色何溟濛瀘水夜可涉交州今始通歸來長安道召  
見甘泉宮廉闈若未死孫吳知暗同相逢論意氣慷慨  
謝深衷

題尉遲將軍新廟

周室既板蕩賊臣立嬰兒將軍獨激昂誓欲酬恩私孤  
城日無援高節終可悲家國共淪亡精魂空在斯沈沈  
積冤氣寂寂無人知良牧懷深仁與君建明祠父子俱

血食軒車每逶迤我來薦蘋蘩感歎興此詞晨光上階  
闔殺氣翻旌旗明明幽冥理至誠信莫欺唯夫二千石  
多慶方自茲

觀李九少府翥樹宓子賤神祠碑

吾友吏茲邑亦嘗懷宓公安知夢寐間忽與精靈通一  
見興永歎再來激深衷賓從何逶迤二十四老翁於焉  
建層碑突兀長林東作者無愧色行人感遺風坐令高  
岸盡獨對秋山空片石勿謂輕斯言固難窮龍盤色絲

外鵠顧偃波中形勝駐羣目堅貞指蒼穹我非王仲宣去矣徒發蒙

同觀陳十六史興碑

并序

楚人陳章甫繼毛詩而作史興碑遠自周末迨乎隋季善惡不隱蓋國風之流未藏名山刊在樂石僕羨其事而賦是詩焉

荆衡氣偏秀江漢流不歇此地多精靈有時生才傑伊人今獨步逸思能間發永懷掩風騷千載常矻矻新碑

亦崔嵬佳句懸日月則是刊石經終然繼檮杌我來觀  
雅製慷慨變毛髮季主盡荒淫前王徒貽厥東周既削  
弱兩漢更淪沒西晉何披猖五胡相唐突作歌乃彰善  
比物仍惡訏感歎將謂誰對之空咄咄

宋中十首

梁王昔全盛賓客復多才悠悠一千年陳跡唯高臺寂  
寥向秋草悲風千里來

朝臨孟諸上忽見茫磽間赤帝終已矣白雲長不還時

清更何有禾黍徧空山

景公德何廣臨變莫能欺三請皆不忍妖星終自移君心本如此天道豈無知

梁苑白日暮梁山秋草時君王不可見修竹令人悲九

月桑葉盡一作落寒風鳴樹枝

登高臨舊國懷古對窮秋落日鴻雁度寒城砧杵愁昔賢不復有行矣莫淹留

出門望終古獨立悲且歌憶昔魯仲尼悽淒此經過衆

人不可向伐樹將如何

逍遙漆園吏冥沒不知年世事浮雲外閒居大道邊古來同一馬今我亦忘筌

五霸遞征伐宋人無戰功解圍幸奇說易子傷吾衷唯見廬門外蕭條多轉蓬

常愛宓子賤鳴琴能自親邑中靜無事豈不由其身何

意千年後寂寞一作寥無此人

閼伯去已久一作遠高丘臨道傍人皆有兄弟爾獨為參

商終古猶如此而今人一作人安可量

薊中一作送作

兵還

策馬自沙漠

海一作長上

驅登塞垣邊城何

一作高蕭條

白日黃雲昏一到征戰處每愁胡虜翻豈無安邊書諸

將已承恩惆悵孫吳事歸來獨閉門

自淇涉黃河途中作十三首

川上常極目世情今已閒去帆帶落日征路隨長山親友若雲霄可望不可攀於茲任所愜浩蕩風波間

清晨泛中流羽族滿汀渚黃鵠何處來昂藏寡儔倡飛鳴無人見飲啄豈得所雲漢爾固知胡為不輕舉

野人頭盡白與我忽相訪手持青竹竿日暮淇水上雖老羨容色雖貧亦閒放釣魚三十年中心無所向

南登滑臺上却望河淇間竹樹夾流水孤城一作遠村對遠

山念茲川路闊羨爾沙鷗閒長想一作追憶別離處猶獨一作獨

無音信還

東入黃河水茫茫汎紆直北望太行山峩峩半天色山

河相映帶深淺未可測自昔有賢才相逢不相識

秋日登滑臺臺高秋已暮獨行既未愜懷土帳無趣晉  
宋何蕭條羌胡散馳驚當時無戰畧此地即邊戍兵革  
徒自勤山河孰云固乘閒喜臨眺感物傷遊寓惆悵落  
日前飄颻遠帆處北風吹萬里南雁不知數歸意方浩  
然雲沙更迴互

亂流自茲遠

一作始

倚檝時一望遙見楚漢城崔嵬高山

上天道昔未測人心無所向屠鈞稱侯王龍蛇爭霸王

緬懷多殺戮顧此生慘愴聖代休甲兵吾其得閒放

茲川方悠邈

一作悠

雲沙無前後古堰

一作塔

對河壠長林

出淇口獨行非吾意東向

一作南

日已久憂來誰得知且

酌尊中酒

朝從北岸來泊船南河

一作河南

滸試共野人言深覺農夫

苦去秋雖薄熟今夏猶未雨耕耘日勤

一作自劬

勞租稅兼

漓鹵園蔬空

一作定

寥落產業

一作薄產

不足數尚有獻芹心

無因見明主

茫茫濁河注懷古臨河濱禹功本豁達漢跡方因循坎  
德昔竟<sub>一作滂</sub>沱馮夷胡不仁激渤<sub>一作漪</sub>陵隄防東郡多  
悲辛天子忽驚悼從官皆負薪畚築豈無謀祈禱如有  
神宣房今安在高岸空嶙峋

我行倦風湍輶棹將問津空傳歌瓠子感慨獨愁人孟

夏桑葉肥穠陰一作濛<sub>二作</sub>夾長津蠶農有時節田野無閒人

臨水狎漁樵一作商望山懷隱淪誰能去京洛顚願對風

塵

自孟夏以下  
英華作一首

朝景入平川。川長復垂柳。遙看魏公墓。突兀前山後。憶  
昔大業時。羣雄角一作各奔走伊人何。電邁獨立風塵首。

傳檄舉教倉。擁兵屯洛口。連營一百萬。六合如可有。  
方  
項終比肩。亂隋將假手。力爭固難恃。驕戰曷能久。若使  
學蕭曹。功名當不朽。

皤皤河濱叟。相遇似有耻。輒榜聊問之。答言盡終始。一  
生雖貧賤。九十年未死。且喜對兒孫。彌慙遠城市。結廬

黃河曲。垂釣長河裏。漫一作漫望雲沙。蕭條聽風水。所

漁

思彊飯食永願在鄉里萬事吾不知其心只如此

宋中遇陳二

一作兼

常參

一作自

鮑叔義所期

一作寄

王佐才如何守苦節獨此

一作自  
一作歸

無良媒離別十年外

一作內

飄颻千里來安知

一作作

罷官後惟見柴門開窮巷隱東郭高堂詠南陔籬根

長花草井上

一作口

生

一作垂

莓苔伊昔

一作寧敢

望霄漢於今

倦蒿萊

一作終然  
俟塵埃

男兒命未

一作達

一作須達命又  
須命

且

醉

一作

手中梧

宋中遇劉書記有別

何代無秀士高門生此才森然覩毛髮若見河

一作江

山

來幾載困常調一朝時運催白身謁明主待詔登雲臺

相逢梁宋間與我醉蒿萊寒楚眇千里雪天晝

一作開

不

開未路終離別不能彊悲哀男兒爭富貴勸爾莫遲迴

魯郡途中遇徐十八錄事

時此公學  
王書嗟別

誰謂嵩穎客遂經鄒魯鄉前臨少昊墟始覺東蒙長獨行豈吾心懷古激中腸聖人久已矣游夏遙相望裴回

野澤間左右多悲傷日出見闕里川平知汶陽弱冠負  
高節十年思自強終然不得意去去任行藏

遇冲和先生

冲和生何代或謂遊東溟三命謁金殿一言拜接一作銀

青自云多方術往往通神一作精萬乘親問道六宮無

敢聽昔去

一作限宵漢今來覩儀形頭戴鶲鳥

一作雅風冠

手搖白鶴翎終日飲醇酒不醉復不醒常一作猶憶鶲鳴

山每誦西昇經拊背念離別依然出戶庭莫見今如此

曾為一客星

魯西至東平

沙岸拍不定石橋水橫流問津見魯俗一作叟懷古傷家  
丘寒落千載後空傳褒聖侯

東平路作三首

南圖適不就東走豈吾心索索涼風動行行秋水深蟬  
鳴木葉落茲夕更愁霖

明時好畫策動欲干王公今日無成事依依親老農扁

舟向何處吾愛汝陽中

清曠涼夜月裴回孤客舟渺然風波上獨愛

一作夢

前山

秋秋至復搖落空令行者愁

東平路中遇大水

天災自古有昏墊彌今秋霖霪

一作霪

溢川原湧洞澗田

疇指途適汶陽挂席經蘆洲永望齊魯郊白雲何悠  
悠傍沿鉅野澤大水縱橫流蟲蛇擁獨樹麋鹿奔行  
舟稼穡隨波濶西成不可求室居相枕籍蛙鼴聲啾

啾仍憐穴蟻漂益羨雲禽游農夫無倚着野老生殷憂  
聖主當一作多深仁廟堂運良籌倉廩終爾給田租應罷  
收我心胡鬱陶征旅亦悲愁縱懷濟時策誰肯論吾謀

登壠

應作隴  
詩同

壠頭遠行客壠上分流水流水無盡期行人未云已淺  
才登一命孤鯪通萬里豈不思故鄉從來感知已

苦雪四首

二月猶北風天陰雪冥冥寥落一室中悵然慚百齡苦

愁正如此門柳復青青

惠連發青興索安念高卧余故非斯人為性兼懶惰賴  
茲尊中酒終日聊自過

濛濛灑平陸浙瀝至幽居且喜潤羣物焉能悲斗儲故  
交久不見鳥雀投吾廬

孰云久閒曠本自保知寡窮巷獨無成春條祗盈把安  
能羨鵬舉且欲歌牛下乃知古時人亦有如我者

哭單父梁九

一作

少府

開篋淚沾臆見君前日書夜臺今

一作室

寂寞猶是守雲

居疇昔探

一作貪

靈奇登臨賦山水同舟南浦

一作楚

一作下

夜望月西江裏契闊多別離綢繆到生死九原即

一作知

何處在萬事皆如此晉山徒哉斯人已冥冥常時

祿且薄歿後家復貧妻子在遠道弟兄無一人十上多

苦辛一官恒自哂青雲將可

一作何

致白日忽先

一作西

盡

唯有

一作獨

身後名空留

一作流

無遠近

哭裴少府

世人誰不死嗟君非生慮扶

一作無

病適到官田園在何

處公才羣吏感葬事他人助余亦未識君深悲哭君去

御定全唐詩卷二百十二

欽定四庫全書叢目要卷一萬七千六百十八集部

御定全唐詩卷二百十三

高適

行路難二首

長安少年不少錢能騎駿馬鳴金鞭五侯相逢大道邊  
羨人弦管爭留連黃金如斗不敢惜片言如山莫棄捐

安知顛頽讀書者暮宿靈

一作臺私自憐

君不見富家翁舊時貧賤誰比數一朝金多結豪貴萬

事勝人健如虎子孫成行

一作生長

滿眼前妻能管弦妾能

舞自矜一身忽

一作朝見

如此却笑傍人獨愁苦東隣少年

安所如席門窮巷出無車有才不肖學干謁何用年年

空讀書

秋胡行

一作魯  
秋胡

妾本邯鄲未嫁時容華倚翠人未知一朝結髮從君子  
將妾迢迢東魯一作路時逢大道無艱阻君方遊宦從  
陳汝蕙樓獨卧頻度春彩閣辭君幾徂暑三月垂楊蠶

未眠攜籠結侶南陌邊道逢行子不相識贈妾黃金買

少年妾家夫婿經離久寸心誓與長相守願言行路莫

多情道

一作送

妾貞心在人口日暮蠶饑相命歸攜籠端

飾來庭闈勞心苦力終無恨所冀

一作貴

君恩即

一作那

可

依聞說行人已歸止乃是向來贈金子相看顏色不復

言相顧懷慙有何已從來自隱無疑背直為君情也相

會如何咫尺仍有情況復迢迢千里外誓將

一作此時

顧恩

不顧身念君此日赴河津莫道向來不得意故欲留規

誠後人

古大梁行

古城莽蒼

一作蒼茫

饒荆榛驅馬荒城愁殺人魏王宮觀

一作

館一作殿

盡禾黍信陵賓客隨灰塵憶昨雄都舊朝市軒車

照耀歌鐘起軍容帶甲三十萬國步連營

一作衡

一五

千里全盛須臾那可論高臺曲池無復存遺墟但見狐

狸迹一作窟

古地空餘草木根暮天搖落傷懷抱倚劒悲

歌對秋草俠客猶傳朱亥名行人尚識夷門道白璧黃

金萬戶侯寶刀駿馬填山丘年代淒涼不可問往來唯有水東流

邯鄲少年行

邯鄲城南

一作西游俠子自矜

一作言生長邯鄲裏千場縱

博家仍富幾度報讐身不死宅中歌笑日紛紛門外車

馬常

一作蟲如雲

一作雲屯

未知肝膽向誰是令人却憶平

原君君不見今人

一作即今

交態薄黃金用盡還疎索以茲

感歎

一作激

辭舊遊更於時事無所求且與少年飲美酒

# 往來射獵西山頭

## 燕歌行

并序

開元二十六年

英華作  
十六年

客有從御史大夫張公出

塞而還者作燕歌行以示適感征戍之事因而和

焉

漢家煙塵在東北漢將辭家破殘賊男兒本自重橫行  
天子非常賜一作借顏色從金伐鼓下榆關旌旆逶迤碣  
石間校尉羽書飛瀚海單于獵火照狼山山川蕭條極

邊土胡騎憑陵雜風雨戰士軍前半死生羨人帳下猶歌舞大漠窮秋塞草腓一作衰 狐城落日關兵稀身當恩遇恒輕敵力盡關山未解圍鐵衣遠戍辛勤久玉筋應啼別離後少婦城南欲斷腸征人薊北空回首邊庭作風飄颻那可度一作越 絶域蒼茫一作黃 更何一作何所有殺氣

三時一作日 作陣雲寒聲一作風 一夜傳刁斗相看白刃血

一作雪 紛紛死節從來豈顧勲君不見沙場征戰苦至一作徒

今猶憶李將軍

古歌行

君不見漢家三葉從代至高皇舊臣多富貴天子垂衣  
方晏如廟堂拱手無餘議蒼生偃卧休征戰露臺百金  
以為費田舍老翁不出門洛陽少年莫論事

人日寄杜二拾遺

人日題詩寄草堂遙憐故人思故鄉柳條美色不忍見  
梅花滿枝空一作堪斷腸身在遠藩一作南蕃無所領心懷百

憂復千慮今年人日空相憶明年人一作此日知何處一

卧東山三十春。豈知書劖老。風塵龍鍾還。忝二千石愧  
爾。東西南北人。

九日酬顧少府

簷前白日應可惜。籬下黃花為誰有。行客一作子迎霜未

授衣。主人得錢始一作肯

沽酒蘇秦

願人一作時多厭蔡澤

棲遲

一作樓遑

世看醜。縱使登高只斷腸。不如獨坐空搔首。

留別鄭三韋九兼洛下諸公

憶昨相逢論久要。顧君哂我輕常調。羈旅雖同白社遊。

詩書已作青雲料塞質

一作躋

蹉跎竟不成年過四十尚

躬耕長歌達者

一作士

梧中物大

一作冷

笑前人身後名幸

逢明盛多招隱高山大澤徵求盡此時亦

一作也

得辭

漁樵青袍裏身荷聖朝犁牛釣竿不復見縣人邑吏來

相邀遠路鳴蟬秋興發華堂美酒離憂銷不知何日更

攜手應念茲晨去

一作商

折腰

一作去

送楊山人歸嵩陽

不到嵩陽動十年舊時

一作家

心事已徒然一二故人不

復見三十六峰猶眼前夷門二月柳條色流鶯數聲淚  
沾臆鑿井耕田不我招知君以此忘帝力山人好去嵩  
陽路惟余眷眷長相憶

送別

昨夜離心正鬱陶三更白露西風高螢飛木落何漸漸  
此時夢見西歸客曙鐘寥亮三四聲東鄰嘶馬使人驚  
攬衣出戶一相送唯見歸雲縱復橫

贈別晉三處士

有人家住清河源渡河問我游梁園手持道經注已畢  
心知內篇口不言盧門十年見秋草此心惆悵誰能道  
知己從來不易知慕君為人與君好別時九月桑葉疎  
出門千里無行車愛君且欲君先達今上求賢早上書

送渾將軍出塞

將軍族貴兵且強漢家已是渾邪王子孫相承在朝野  
至今部曲燕支下控弦盡用陰山兒登一作臨陣常騎大  
宛馬銀鞍玉勒繡蝥弧每逐嫖姚破骨都李廣從來先

將士衛青未肯學孫吳傳有沙場千萬騎昨日邊庭羽

書至城頭畫角三四聲匣裏寶刀晝夜鳴意氣能甘萬

里去辛勤判

一作動

作一年行黃雲白草無前後朝建旌

旄夕刁斗塞下應多俠少年關西不見春楊柳從軍借

問所從誰擊劒酣歌當此時遠別無輕綱朝策平戎早

寄仲宣詩

送蔡山人

東山布衣明古今自言獨未逢知音識者閱見一生事

到處豁然千里心看書學劖長辛苦近日方思謁明主  
斗酒相留醉復醒悲歌數年淚如雨丈夫遭遇不可知  
買臣主父皆如斯我今蹭蹬無所似看爾崩騰何若為

封丘作

一作縣

我本漁樵孟諸野一生自是悠悠者乍可狂歌草澤中  
寧堪作吏風塵下祗言小邑無所為公門百事皆有期  
拜迎官長心欲碎一作破鞭撻黎庶令人悲歸一作惠來向  
家問妻子舉家盡笑今如此生事應須南畝田世情付

與東流水夢想舊山安在哉為銜君命且一作日

遲迴乃

知梅福徒為爾轉憶陶潛歸去來

題李別駕壁

去鄉不遠逢知己握手相歡得如此禮樂遙傳魯伯禽  
賓客爭過魏公子酒筵幕散明月上檻馬長鳴春風起  
一生稱意能幾人今日從君問終始

寄宿田家

田家老翁住東坡說道平生隱在茲鬢白未曾記日月

山青每到識春時  
門前種柳深成巷  
野谷流泉添入池  
牛壯日耕十畝地  
人閑常掃一茅茨  
客來滿酌清尊酒  
感興平吟才子詩  
巖際窟中藏  
鼴鼠潭邊竹裏隱  
鷺鷥村墟日落行人少  
醉後無心怯路歧  
今夜只應還寄宿  
明朝拂曙與君辭

別韋叅軍

英華作

二首

二十解

一作辭

書劍西遊長安城  
舉頭望君門  
屈指取公

鄉國風冲融道三五朝廷歡

一作禮

樂彌寰宇白璧皆言

賜近臣布衣不得干明主歸來洛陽無負郭東過梁宋

非吾土兔苑為農歲不登雁池垂釣心長苦世人遇

向我同衆人唯君於我最

一作相親且喜百年有

一作見

交態未嘗

一作當

一日辭家貧

以下英華另作一首

彈碁擊筑白日

晚縱酒高歌楊柳春歡娛未盡分散去使我惆悵驚心

神丈夫

一作終當

不作兒女別

一作悲

臨岐涕淚沾衣巾

送田少府貶蒼梧

沈吟對遷客惆悵西南天昔為一官未得意今向萬里

令人憐念茲斗酒成睽間停舟歎君日將晏遠樹應憐  
北地春行人却羨南歸雁丈夫窮達未可知看君不合  
長數奇江山到處堪乘興楊柳青青那足悲

平臺夜遇李景參有別

離心

一作憂

忽悵

一作浩

然

一作離憂

心忽悵

策馬對秋天

孟諸薄暮

涼風起歸客相逢渡睢水

昨時一作憶

攜手已

向一作

十年

今

一作明

日分途各千里

歲物蕭條滿路歧

此行浩蕩令

人悲家貧羨爾有徵祿欲往從之何所之

送郭處士往茱蕪兼寄苟山人

君為東蒙客往來東蒙畔雲卧臨嶧陽山行窮日觀少年詞賦皆可聽秀眉白面風清冷身上未曾染名利口中猶未知膻腥今日還山意無極豈辭世路多相識歸見茱蕪九十翁為論別後長相憶

賦得還山吟送沈四山人

還山吟天高日暮寒山深送君還山識君心人生老大須恣意看君解作一生事山間偃仰無不至石泉淙淙

若風雨桂花松子常滿地賣藥囊中應有錢還山服藥  
又長年白雲勸盡杯中物明月相隨何處眠眠時憶問  
醒時事夢魂可以相周旋

崔司錄宅燕大理李卿

多雨殊未已秋雲更沈沈洛陽故人初解印山東小吏  
來相尋上卿才大名不朽早朝至尊暮求友豁達常推  
海內賢殷勤但酌尊中酒飲醉欲言歸剡溪門前駟馬  
光煥衣路傍觀者徒唧唧我公不以為是非

同鮮于洛陽於畢員外宅觀畫馬歌

知君愛鳴琴，仍好千里馬。  
永日恒思單父中，有時心到  
宛城下。遇客丹青天下才，白生胡羅控龍媒。  
主人娛賓  
畫障開，只言騏驥西極來。半壁趨蟻勢不住，滿堂風飄  
颯然度。家僮愕視欲先鞭，檻馬驚嘶還屢顧。  
始知物妙  
皆可憐，燕昭市駿豈徒然。縱令剪拂無所用，猶勝駕駘  
在眼前。

同河南李少尹畢員外宅夜飲時洛陽告捷遂

作春酒歌

故人羨酒勝濁醪故人清詞合風騷長歌滿酌惟吾曹  
高談正可揮塵毛半醉忽然持蟹螯洛陽告捷傾前後  
武侯腰間印如斗郎官無事時飲酒梧中綠蟻吹轉來  
甕上飛花拂還有前年持節將楚兵去年留司在東京  
今年復拜二千石盛夏五月西南行彭門劒門蜀山裏  
昨逢軍人劫奪我到家但見妻與子賴得飲君春酒數  
十榼不然令我愁欲死

同李九士曹觀壁畫雲作

始知帝鄉客能畫蒼梧雲秋天萬里一片色只疑飛盡  
猶氛氲

見薛大臂鷹作一作李

白作

寒楚十二月蒼鷹八九毛寄言燕雀莫相嘵一作忌自有

雲霄萬里高

畫馬篇

同諸公宴睢陽李

太守各賦一物

君侯檻上馳貌在丹青中馬毛連錢蹄鐵色圖畫光輝

驕玉勒馬行不動勢若乘權奇蹴踏無塵埃感茲絕代  
稱妙手遂令談者不容口麒麟獨步自可珍駕駘萬正  
知何有終未如他櫼上驄載華轂騁飛鴻荷君剪拂與  
君用一日千里如旋風

詠馬鞭

龍竹養根凡幾年工人截之為長鞭一節一目皆天然  
珠重重星連連統指柔純金堅繩不直規不圓把向空  
中捎一聲良馬有心日馳千

塞下曲

賀蘭  
作

君不見芳樹枝春花落盡蜂不窺君不見梁上泥秋風  
始高燕不棲蕩子從軍事征戰蛾眉嬪娟守空閨獨宿  
自然堪下淚況復時聞鳥一作烏夜啼

漁父歌

曲岸深潭一山叟駐眼看釣不移手世人欲得知姓名  
良久問他不開口筍皮笠子荷葉衣心無所營守釣磯  
料得孤舟無定止日暮持竿何處歸

御定全唐詩卷二百十三

欽定四庫全書  
欽定全唐詩卷一百四十九

集部

御定全唐詩卷二百十四

高適

部落曲

蕃軍傍塞遊  
代馬噴風秋  
老將垂金甲  
閼支着錦裘  
琿戈蒙豹尾  
紅旆插狼頭  
日暮天山下  
鳴笳漢使愁

贈杜二拾遺

傳道招提客  
詩書自討論  
佛香時入院  
僧飯屢過門  
聽

法還應難一作說尋經剩欲翻草玄今已畢此外復一作後更

何言

醉後贈張九旭

世上謾相識此翁殊不然興來書自聖醉後語尤顛白  
髮老閒事青雲在目前牀頭一壺酒能更幾回眠

途中寄徐錄事

比以王書見贈

落日風雨至秋天鴻鴈初離憂不堪比旅館復何如君  
又幾時去我知音信疎空多篋中贈長見右軍書

酬衛八雪中見寄

季冬憶淇上落日歸山樊舊宅帶流水平田臨古村雪  
中望來信醉裏開衡門果得希代寶緘之那可論

送白少府送兵之隴右

踐更登隴首遠別指臨洮為問關山

一作事中何如州縣

勞軍容隨赤羽樹色引青袍誰斷單于臂今年太白高

河西送李十七

邊城多遠別此去莫徒然問禮知才子登科及少年出

門看落日驅馬向秋天高價人爭重行當早着鞭

送張瑤貶五谿尉

他日維楨幹明時懸镆铘江山遙去國妻子獨還家離  
別無嫌遠沈浮勿強嗟南登有詞賦知爾弔長沙

別韋五

徒然酌杯酒不覺散人愁相識仍遠別欲歸翻旅遊夏  
雲滿郊甸明月照河洲莫恨征途遠東看漳水流

別劉大校書

昔日京華去知君才望新應猶作賦好莫歎在官貧且復傷遠別不然愁此身清風一作青楓幾萬里江上一歸人

宋中別司功叔各賦一物得商丘

商丘試一望隱隱帶秋天地與星辰在城將大路遷干戈悲昔事墟落對窮年即此傷離緒悽悽賦酒筵

送蔡十二之海上

時在  
衛中

黯然何所為相對但悲酸季弟念離別賢兄救急難河流冰處盡海路雪中寒尚有南飛鴈知君不忍看

別韋兵曹

離別長千里相逢數十年此心應不變他事已徒然惆  
悵春光裏蹉跎柳色前逢時當自取看爾欲先鞭

獨孤判官部送兵

錢君嗟遠別為客念周旋征路今如此前軍猶眇然出  
關逢漢壁登龍望胡天亦是封侯地期君早着鞭

別從甥萬盈

諸生曰萬盈四十乃知名宅相予偏重家丘人莫輕美

才應自料苦節豈無成莫以山田薄今春又不耕

別崔少府

知君少得意汶上掩柴扉寒食仍留火春風未授衣皆  
言黃綬屈早向青雲飛借問他鄉事今年歸不歸

別

一作送

馮判官

碣石遼西地漁陽薊北天闕山唯一道雨雪盡三邊才

子方為客將軍正渴

一作愛

賢遙知幕府下書記日翩

翩

淇上送韋司倉往滑臺

飲酒莫辭醉醉多適不愁孰知非遠別終念對窮

一作  
新

秋滑臺門外見淇水眼前流君去應回首風波滿渡頭

送崔功曹赴越

傳有東南別題詩報客居江山知不厭州縣復何如莫恨吳歛曲嘗看越絕書今朝欲乘興隨爾食鱸魚

送蹇秀才赴臨洮

悵望日千里如何今二毛猶思陽谷去莫厭龍山高倚

馬兒雄筆隨身唯寶刀料君終自致勲業在臨洮

廣陵別鄭處士

落日知分手春風莫斷腸興來無不愜才在亦何傷溪  
水堪垂釣江田耐插秧人生只為此亦足傲羲皇

別孫訢

離人去復留白馬黑貂裘屈指論前事停鞭惜舊遊帝  
鄉那可忘旅館日堪愁誰念無知己年年睢水流

送劉評事充朔方判官賦得征馬嘶

征馬向邊州蕭蕭嘶不休思深應帶別聲斷為兼秋歧  
路風將遠關山月共愁贈君從此去何日大刀頭

送魏八

更沽淇上酒還泛驛前舟為惜故人去復憐嘶馬愁雲  
山行處合風雨興中秋此路無知己明珠莫暗投

贈別褚山人

攜手贈將行山人道姓名光陰薊子訓才術褚先生牆  
上梨花白樽中桂酒清洛陽無二價猶是慕風聲

別王八

征馬嘶長路離人挹佩刀客來東道遠歸去北風高時  
候何蕭索鄉心正一作更鬱陶傳君遇知已行日有綿袍

送董判官

逢君說行邁倚劍別交親幕府為才子將軍作主人近  
關多雨雪出塞有風塵長策須當用男兒莫顧身

送鄭侍御謫閩中

謫去君無恨閩中我舊過大都秋鴈少只是夜猿多東

路雲山合南天瘴癘和自當逢雨露行矣慎風波

送李侍御赴安西

行子對飛蓬金鞭指鐵驥功名萬里外心事一枯中虜  
障燕支北秦城太白東離魂莫惆悵看取寶刀雄

送裴別將之安西

絕域眇難躋悠然信馬蹄風塵經跋涉搖落怨睽擣地  
出流沙外天長甲子西少年無不可行矣莫悽悽

宴郭校書因之有別

綵服趨庭訓分交載酒過芸香名早著蓬轉事仍多苦

戰戰一作苦知機息窮愁奈別何雲霄莫相待年鬢已蹉跎

同李太守北池泛舟宴高平鄭太守

每揖龔黃事還陪李郭舟雲從四岳起一作去水向百城

流幽意隨登陟嘉言即獻酬乃知縫掖貴今日對諸侯

同崔員外綦母拾遺九日宴京兆府李士曹

今日好相見羣賢仍廢曹晚晴催翰墨秋興引風騷絳  
葉擁虛砌黃花隨濁醪閉門無不可何事更登高

同羣公十月朝宴李太守宅

良牧徵高賞  
褰帷問考槃  
歲時當正月  
甲子入初寒  
已聽甘棠頌  
欣陪旨酒歡  
仍憐門下客  
不作布衣看

武威同諸公過楊七山人得藤字

幕府日多暇  
田家歲復登  
相知恨不早  
乘興乃無恒  
窮巷在喬木  
深齋垂古藤  
邊城唯有醉  
此外更何能

同羣公登濮陽聖佛寺閣

落日登臨處  
悠然意不窮  
佛因初地識  
人覺四天空  
來

鴈清霜後孤帆遠樹中襄回傷寓目蕭索對寒風

同衛八題陸少府書齋

知君薄州縣好靜無冬春散帙至棲鳥明燈留故人深  
房臘酒熟高院梅花新若是周旋地當令風義親

淇上別業

依依西山下別業桑林邊庭鴨喜多雨鄰雞知暮天野  
人種秋菜古老開原田且向世情遠吾今聊自然

入昌松東界山行

鳥道幾登頓馬蹄無暫

一作  
復

閒崎嶇出長坂合沓猶前

山石激水流處天寒松色間王程應未盡且莫顧刀環

使青夷軍入居庸三首

匹馬行將久征途去轉難不知邊地別祇訝客衣單谿

冷泉聲苦山空木葉乾莫言關塞極雲雪尚漫漫

古鎮青山口寒風落日時巖巒鳥不過冰雪馬堪遲出  
塞應無策還家賴有期東山足松桂歸去結茅茨

登頓驅征騎棲遲愧寶刀遠行今若此微祿果徒勞絕

坂水連下羣峰雲共高自堪成白首何事一青袍

自薊北歸

驅馬薊門北北風邊馬哀蒼茫遠山口豁達胡天開五  
將已深入前軍止半廻誰憐不得意長劍獨歸來

東平別前衛縣李案少府

黃鳥翩翩楊柳垂春風送客使人悲怨別自驚千里外  
論交却憶十年時雲開汶水孤帆遠路繞梁山匹馬遲  
此地從來可乘興留君不住益悽其

夜別韋司士得城字

高館張燈酒復清夜鐘殘月鴈歸聲只言啼鳥堪求侶  
無那春風欲送行黃河曲裏沙為岸白馬津邊柳向城  
莫怨他鄉暫離別知君到處有逢迎

送李少府貶峽中王少府貶長沙

嗟君此別意何如駐馬銜枯問謫居巫峽啼猿數行淚  
衡陽歸鴈幾封書青楓江上秋天遠白帝城邊古木踈

聖代即一作祇今多雨露暫時分手莫躊躇

同陳留崔司戶早春宴蓬池

同官載酒出郊圻晴日東馳鴈北飛隔岸春雲邀翰墨  
傍簷垂柳報芳菲池邊轉覺虛無盡臺上偏宜酩酊歸  
州縣徒勞那可度後時連騎莫相違

金城北樓

北樓西望滿晴空積水連山勝畫中湍上急流聲若箭  
城頭殘月勢如弓垂竿已羨磻谿老體道猶思塞上翁  
為問邊庭更何事至今羌笛怨無窮

同顏六少府旅宦秋中之作

傳君昨夜悵然悲獨坐新齋木落時逸氣舊來凌燕雀  
高才何得混妍媸跡留一作勞黃綬人多歎心在青雲世  
莫知不是鬼神無正直從來州縣有瑕疵

重陽

節物驚心兩鬢華東籬空繞未開花百年將半仕三已  
五畝就荒天一涯豈有白衣來剥啄一從烏帽自欹斜  
真成獨坐空搔首門柳蕭蕭噪暮鴉

古樂府飛龍曲留上陳左相

陳布烈

德以精靈降時膺夢寐求蒼生謝安石天子富平侯尊

俎資高論巖廊挹

一作揮

大猷相門連戶牖卿族嗣弓裘

一作卿才傳世業相府盛嘉謀

豁達雲開霧

一作景

清明月映秋能為吉

甫頌善用子房籌階砌

一作戶牖

思攀陟門闈尚阻修高山

不易仰大匠本難投跡與松喬合心緣啟沃留公才山

吏部書癖杜荊州幸沐千年聖何辭一尉休折腰知寵

辱廻首見沈浮天地莊生馬江湖范蠡舟逍遙堪自樂

浩蕩信無憂去此從黃綬歸歟任白頭風塵與霄漢瞻望日悠悠

留上李右相

一作奉贈  
右相林甫

風俗登淳古君臣挹大庭深沈謀九德密勿契千齡獨立調元氣清心豁宵冥本枝連帝系長策冠生靈傳說明殷道蕭何律漢刑鈞衡持國柄柱石總朝一作賢經隱軫江山藻氣氤鶠鵠銘興中皆白雪潔白一作一  
盡身外即

磬倚伏悲還笑棲遲一作升沈醉復醒恩榮初就列舍育忝

宵形有竊丘山患無時枕席寧壯心瞻落景生事感浮

一作流萍莫以才難用終期善易聽未為門下客徒謝少

## 微星

同李貞外賀哥舒大夫破九曲之作

遙傳副丞相昨日破西蕃作氣羣山動揚軍大旆翻奇  
兵邀轉戰連弩絕歸奔泉噴諸戎血風驅死虜魂頭飛  
攢萬戟面縛聚轅門鬼哭黃埃暮天愁白日昏石城與

巖險鐵騎皆

一作若

雲屯長策一言決高蹤百代存威稜

擣沙漠忠義感乾坤老將黯無色儒生安敢論解圍憑  
廟算止殺報君恩唯有閬河渺蒼茫空樹墩

信安王幕府詩

并序

開元二十年國家有事林胡詔禮部尚書信安王  
總戎大舉時考功郎中王公司勲郎中劉公主客  
郎中魏公侍御史李公監察御史崔公咸在幕府  
詩以頌美數公見於詞凡三十韻

雲紀軒皇代星高太白年廟堂咨上策幕府制中權盤  
石藩維固昇壇禮樂先國章榮印綬公服貴貂蟬樂善  
旌深德翰忠格上玄剪桐光寵錫題劍美貞堅聖祚雄  
圖廣師貞武德虔雷霆七校發旌旆五營連華省徵羣  
乂霜臺舉二賢豈伊公望遠曾是茂才遷並秉韜鈐術  
薰該翰墨筵帝思麟閣像臣獻柏梁篇振玉登遼甸縱  
金歷薊墉度河飛羽檄橫海泛樓船北伐聲逾邁東征  
務以專講戎喧涿野料敵靜居延軍勢持三略兵戎自

九天朝瞻授鉞去時聽偃戈旋大漠風沙裏長城雨雪  
邊雲端臨碣石波際隱朝鮮夜壁冲高斗寒空駐彩旃  
倚弓玄兔月飲馬白狼川庶物隨交泰蒼生解倒懸四  
郊增氣象萬里絕風煙闢塞鴻勲著京華甲第全落梅  
橫吹後春色凱歌前直道常兼濟微才獨棄捐曳裾誠  
已矣投筆尚悽然作賦同元淑能詩匪仲宣雲霄不可  
望空欲仰神仙

東平旅遊奉贈薛太守二十四韻

頌美馳千古欽賢仰大猷晉公標逸氣汾水注長流神  
與公忠節天生將相傳青雲本自負赤縣獨推尤御史  
風逾勁郎官草屢修鶴鸞粉署起鷹隼柏臺秋出入交  
三事飛鳴揖五侯軍書陳上策廷議借前籌肅肅趨朝  
列雖雖引帝求一麾俄出守千里再分憂不改任棠水  
仍傳晏子裘歌謠隨舉扇旌旆逐鳴駒郡國長河繞川  
原大野幽地連堯泰嶽山向禹青州汶上春帆渡秦亭  
晚日愁遺墟當少昊懸象逼奎婁即此逢清鑒終然喜

暗投叨承解榻禮更得問  
繕遊高興陪登陟嘉言奉獻  
酬觀慕知戰勝探象會冥搜  
眺聽情何限冲融惠勿休  
祇應齊語默寧宵問沈浮然  
諾長懷季棲遑輒累丘平  
生感知已方寸豈悠悠

真定即事奉贈韋使君二十八韻

飄泊懷書客遲迴此路隅  
問津驚棄置投刺忽踟蹰  
方伯恩彌重蒼生詠已蘇  
郡稱廉叔度朝議管夷吾乃繼  
三台側仍將四岳俱江山澄氣象  
崖谷倚冰壺詔寵金

門策官榮葉縣亮擢才登粉署飛步躡雲衢起草徵調  
墨焚香即宴娛光華揚盛矣霄漢在茲乎隱軫推公望  
逶迤協帝俞軒車辭魏闕旌節副幽都始佩仙郎印俄  
兼太守符尤多蜀郡理更得頽川謨城邑推雄鎮山川  
列簡圖舊燕當絕漠全趙對平蕪曠野何瀰漫長亭復  
鬱紆始泉遺俗近活水戰場無月換思鄉陌星迴記斗  
樞歲容歸萬象和氣發鴻爐淪落而誰遇棲遑有是夫  
不才羞擁腫干祿謝侏儒契閑慚行邁羈離憶友于田

園同季子儲蓄異陶朱方欲呈高義吹噓揖大巫永懷  
吐肝膽猶憚阻榮枯解榻情何限忘言道未殊從來貴  
縫掖應是念窮途

和竇侍御登涼州七級浮圖之作

化塔屹中起孤高宜上躋鐵冠雄賞眺金界寵招攜空  
色在軒戶邊聲連鼓鼙天寒萬里壯地豁九州西清興  
揖才彥峻風和端倪始知陽春後具物皆筌蹄

酬河南節度使賀蘭大夫見贈之作

高閣憑欄檻中軍倚旆旌感時常激切於已即忘情河  
華屯妖氣伊瀍有戰聲媿無戡難策多謝出師名秉錢  
知恩重臨戎覲命輕股肱瞻列岳唇齒賴長城隱隱摧  
鋒勢光光弄印榮曾連真義士陸遜豈書生直道寧殊  
智先鞭忽抗行楚雲隨去馬淮月尚連營撫劍堪投分  
悲歌益不平從來重然諾況值欲橫行

奉酬睢陽路太守見贈

一作貽之作

盛才膺命代高價動良時帝簡登藩翰人和發詠思神

仙去華省鶴鷺憶丹墀清淨能無事優游即賦詩江山

紛想像雲物共

一作動

萎蕤逸氣劉公幹玄言向子期多

慙汲引速翻愧激昂遲相馬知何限登龍反自疑風塵

吏道迫行邁旅心悲拙疾徒為爾窮愁欲問誰秋庭一

片葉朝鏡數莖絲州縣甘無取丘園悔莫追瓊瑤生篋

苟光景借茅茨他日青霄裏猶應訪所知

奉酬睢陽李太守

公族稱王佐朝經允帝求本枝彊我李盤石冠諸劉禮

樂光輝盛山河氣象幽系高周柱史名重晉陽秋華省  
膺推擇青雲寵宴遊握蘭多具美前席有嘉謀賦得黃  
金賜言皆白璧酬着鞭驅駟馬操刃解全牛出鎮兼方  
伯承家復列侯朝瞻孔壯海時用杜荊州廣固纔登陟  
昆陵忽阻修三台冀入夢四岳尚分憂郡邑連京口山  
川望石頭海門當建節江路引鳴騶俗見中興理人逢  
至道休先移白額橫更息赭衣偷梁國歌來晚徐方怨  
不留豈伊齊政術將以變澆浮訟簡知能吏刑寬察要

囚坐堂風偃草行縣雨隨輶地是蒙莊宅城遺闕伯丘  
孝王餘井徑微子故田疇冬至招搖轉天寒螳竦收猿  
巖飛雨雪兔苑落梧楸列戟霜侵戶褰帷月在釣好賢  
常解榻乘興每登樓逸足橫千里高談注九流詩題青  
玉案衣贈黑貂裘窮巷軒車靜閑齋耳目愁未能方管  
樂翻欲慕巢由講德良難敵觀風豈易傳寸心仍有適  
江海一扁舟

送柴司戶充劉卿一作鄉判官之嶺外

嶺外資雄鎮朝端寵節旄月卿臨幕府星使出詞曹海  
對羊城閣山連象郡高風霜驅瘴癘忠信涉波濤別恨  
隨流水交情脫寶刀有才無不適行矣莫徒勞

送蔡少府赴登州推事

膠東連即墨萊水入滄溟國小常多事人訛屢抵刑公  
才徵郡邑詔使出郊垌標格誰當犯風謠信可聽崢嶸  
大峴口遷迤汶陽亭地迥雲偏白天秋山更青祖筵方  
卜晝王事急侵星勸爾將為德斯言蓋有聽

秦中送李九赴越

卷二十一

攜手望千里于今將十年如何每離別心事復迷邇適

越雖有以出闢終耿然愁霖一作秋不可向長路或難前

聯吳會獨行客山陰秋夜船謝家徵故事禹穴訪遺

編鏡水君所憶尊羹余舊便歸來莫忘此兼示濟江篇

錢宋八充彭中丞判官之嶺南一作外

覩君濟時略使我氣填膺長策竟不用高才徒見稱一朝知已達累日詔書徵羽翮忽然就動一作風飈誰敢凌

舉鞭趨

一作長

嶺嶠

一作峰

屈指冒炎蒸

北鴈送馳驛

南人

思飲冰彼邦本倔強習俗多驕矜翠羽干平法黃金撓  
直繩若將除害馬慎勿信蒼蠅魑魅寧無患忠貞適有  
憑猿啼山不斷鳶跕路難登海岸出交趾江城連始興  
繡衣當節制幕府威威稜勿憚九嶷險須令百越澄立  
談多感激行李即嚴凝離別胡為者雲霄遲爾昇

陪竇侍御泛靈雲池

白露時先降清川思不窮江湖仍塞上舟楫在軍中舞

換臨津樹歌饒向迴

一作晚

風夕陽連積水邊色滿秋空

乘興宜投轄邀歡莫避驄誰憐持弱羽猶欲伴鷓鴣

陪竇侍御靈雲南亭宴詩得雷字

并序

涼州近胡高下其池亭蓋以耀蕃落也幕府董帥  
雄勇徑踐戎庭自陽闊而西猶枕席矣軍中無事  
君子飲食宴樂宜哉白簡在邊清秋多興況水具  
舟楫山兼亭臺始臨泛而寫煩俄登陟以寄傲絲  
桐徐奏林木更爽觴蒲萄以遞歡指蘭茝而可掇

胡天一望雲物蒼然雨蕭蕭而牧馬聲斷風嫋嫋  
而邊歌幾處又足悲矣員外李公曰七日者何牛  
女之夕也夫賢者何得謹其時請賦南亭詩列之  
於後

人幽宜眺聽目極喜亭臺風景知愁在閨山憶夢迴祗  
言殊語默何意忝遊陪連唱波瀾動冥搜物象開新秋  
歸遠樹殘雨擁一作應輕雷簷外長天盡尊前獨鳥來常  
吟塞下曲多謝幕中才河漢徒相望嘉期安在哉

卷二十一  
同熊少府題盧主簿茅齋

盧兼有  
人倫

虛院野情在茅齋秋興存孝廉趨下位才子出高門乃  
繼幽人靜能令學者尊江山歸謝客神鬼下劉根階樹  
時攀折窓書任討論自堪成獨往何必武陵源

同朱五題盧使君義井

高義唯良牧深仁自下車寧知鑿井處還是飲冰餘地  
即泉源久人當汲引初體清能鑒物色洞一作深含虛  
上善滋來往中和浹里閭濟時應未竭懷惠復何如

同郭十題揚主簿新廳

華館曙沈沈惟良正在今用材兼柱石聞物象高深更  
得芝蘭地兼營枳棘林向風局戰戶當曙近棠陰勿改  
安卑節聊閒理劇心多君有知已一和郢中吟

秋日作

端居值秋節此日更愁辛寂寞無一事蒿萊通四鄰閉  
門生白髮回首憶青春歲月不相待交游隨衆人雲霄  
何處託愚直有誰親舉酒聊自勸窮通信爾身

辟陽城

荒城在高岸臨眺俯清淇傳道漢天子而封審食其奸  
淫且不戮茅土孰云宜何得英雄主返令兒女欺母儀  
良已失臣節豈如斯太息一朝事乃令人所嗤

赴彭州山行之作

峭壁連崆峒攢峯疊翠微鳥聲堪駐馬林色可忘機怪  
石時侵徑輕蘿乍拂衣路長愁作客年老更思歸且悅  
巖巒勝寧嗟意緒違山行應未盡誰與玩芳菲

詠史

尚有綿袍贈應憐范叔寒不知天下士猶作布衣看

送兵到薊北

積雪與天迥屯軍連塞愁誰知此行邁不為覓封侯

同羣公題張處士菜園

耕地桑柘間地肥菜常熟為問葵藿資何如廟堂肉

逢謝偃

紅顏愴為別白髮始相逢唯餘昔時淚無復舊時容

田家春望

出門何所見春色滿平蕪可歎無知已高陽一憶酒

徒

閒居

柳色驚心事春風厭索居方知一桮酒猶勝百家書

封丘作

州縣才難適雲山道欲窮揣摩慚黠吏棲隱謝愚公

九曲詞三首

許國從來徹廟堂連年不為在疆一作壇 執場將軍天上封

侯印御史臺中異姓王

萬騎爭歌楊柳春千場對舞繡駒騎到處盡逢歡洽事  
相看總是太平人

鐵騎橫行鐵嶺頭西看邏邊取封侯青海只今將飲馬  
黃河不用更防秋

營州歌

營州少年厭

一作滿一作歇一作愛

原野狐

一作皮

裘蒙茸獵城下

虜一作魯 酒千鍾一作桔 不醉人胡兒十歲能騎馬

玉真公主歌

常言龍德本天仙誰謂仙人每學仙更道玄元指李日  
多於王母種桃年

仙宮仙府有真仙天寶天仙秘莫傳為問軒皇三百歲  
何如大道一千年

和王七玉門關聽吹笛

一作塞上聞笛

胡人吹一作羌 笛戍樓間樓上蕭條海一作明 月閒借問落

梅凡幾曲從風一夜滿闢山

一作塞上聽吹笛云雪淨胡天牧馬還月明羌笛戍

樓間借問梅花何處  
落風吹一夜滿闢山

別董大二首

十里黃雲白日曛北風吹鴈雪紛紛莫愁前路無知已  
天下誰人不識君

六翮飄颻私自憐一離京洛十餘年丈夫貧賤應未足  
今日相逢無酒錢

送桂陽孝廉

桂陽年少西入秦，數經甲科猶白身。  
即今江海一歸客，

他日雲霄一作山萬里人。

送李少府時在客舍作

相逢旅館意多違，暮雪初晴候鴈飛。  
主人酒盡君未醉，薄暮途遙歸不歸。

聽張立本女吟

危冠廣袖楚宮妝，獨步閑庭逐夜涼。  
自把玉釵敲砌竹，

清歌一曲月如霜。

初至封丘作

可憐薄暮宦遊子獨卧虛齋思無已去家百里不得歸  
到官數日秋風起


除夜作

旅館寒燈獨不眠客心何事轉淒然故鄉今夜思千里

愁一作宿明朝又一作更一年

御定全唐詩卷二百十四

謹案卷二百十四第十六頁後八行本枝彊我李  
刊木彊訛彊據別本改



總校官庶吉士臣張能照

校對官檢討臣王鍾健

謄錄監生臣李帶雙

欽定四庫全書叢要

集部

御定全唐詩卷二百十五

欽定四庫全書  
會要卷一萬七千六百二十

集部

御定全唐詩卷二百十五

李峴

信安郡王禕之第三子樂善下士以門蔭入仕歷  
京兆府尹天寶中楊國忠惡其不附己出為長沙太守  
時京兆雨災米麥踊貴百姓謠曰欲得米粟賤無過追  
李峴其為政得人心如此乾元二年拜中書侍郎同平  
章事坐言事切直謫蜀州刺史代宗召為禮部尚書尋

復知政事初收東京按治逆黨多所全活終衢州刺史  
集一卷今存詩一首

劍池

闔閭葬日勞人力羸政穿來役鬼功澄碧尚疑神物在  
等閒雷雨起潭中

李栖筠

李栖筠字貞一世為趙人吉甫之父舉進士高第調冠  
氏主簿太守李峴視若布衣交擢殿中侍御史為李峴

三司判官三遷吏部員外郎判南曹累進工部侍郎元  
載忌之出為常州刺史以治行加銀青光祿大夫封贊  
皇縣子拜浙西都團練觀察使尋為御史大夫力抗權  
邪卒贈吏部尚書栖筠喜獎善而樂人攻已短為天下  
士所歸稱贊皇公詩二首

張公洞

一徑深窈窕上升翠微中忽然靈洞前日月開仙宮道  
士十二人往還馭清風焚香入深洞巨石如虛空夙夜

備頻藻詔書祠張公五雲何襄回玄鶴下蒼穹我本道  
門子願言出塵籠掃除方寸間幾與神靈通宿昔勤夢  
想契之在深衷遲迴將不還章綬繫我躬稽首謝真侶  
辭滿歸崆峒

投宋大夫

十處投人九處違家鄉萬里又空歸嚴霜昨夜侵人骨  
誰念高堂未授衣

徐浩

徐浩字季海越州人少舉明經工草隸以張說薦為麗  
正殿校理三遷右拾遺張守珪表佐幽州幕改監察御  
史歷憲部郎中肅宗即位拜中書舍人時天下事殷詔  
令俱出其手文詞贍給加尚書右丞除國子祭酒尋貶  
盧州長史代宗徵還仍拜中書舍人遷工部侍郎嶺南  
節度觀察使又為吏部侍郎集賢殿學士為李栖筠所  
彈貶明州別駕終彭王傅卒贈太子少師世稱其書法  
如怒猊抉石渴驥奔泉詩二首

寶林寺作

茲山昔飛來遠自琅琊臺孤岫龜形在深泉鑿井開越  
王屢陟陟陟何相傳詞才塔廟崇其巔規模稱壯哉禪堂  
清溽潤高閣無恢炱照耀珠吐月鏗轟鐘隱雷揆余爻  
纓弁末路遭遭廻一棄滄海曲六年稽嶺隈逝川惜東  
駛馳景憐西頹腰帶愁疾減容顏衰悴催賴居茲寺中  
法士多瓊能洗心聽經論禮足蠲凶灾永願依勝侶清  
江乘度杯

謁禹廟

猷滄敷四海川源滌九州既膺九命錫乃建洪範疇鴟  
革固天啟運興匪人謀肇開宅土業永庇昏墊憂山足  
靈廟在門前清鏡流象筵陳玉帛容衛儼戈矛探穴圖  
書朽卑宮堂殿修梅梁今不壞松祏古仍留負責故鄉  
近竭來申俎羞為魚知造化歎鳳仰徽猷不復聞夏樂  
唯餘奏楚幽婆娑非舞羽鏗鞳異鳴球盛德吾無間高  
功誰與儔灾淫破凶慝祚聖擁神休出谷鶯初語空山

猿獨愁春暉生草樹柳色暖汀洲恩貸題輿重榮殊衣  
錦遊宦情同械繫生理任桴浮地極臨滄海天遙過斗  
牛精誠如可諒他日寄冥搜

薛令之

薛令之閩之長溪人肅宗為太子時令之以右補闕兼  
侍讀積歲不遷乃棄官徒步歸鄉里及肅宗即位以舊  
恩召而令之已前卒詩二首

自悼

紀事云開元中令之為右庶子時東宮官  
僚清淡令之題詩自悼明皇幸東宮覽之

索筆題其傍曰啄木口背長鳳皇毛羽  
短若嫌松桂寒任逐桑榆暖遂謝病歸

朝日上團團照見先生盤盤中何所有苜蓿長闌干飯  
溢匙難綰羹稀筋易寬只可一無以謀朝夕何由保歲寒

靈巖寺

草堂棲在靈山谷勤苦詩書向燈燭柴門半掩寂無人  
惟有白雲相伴宿

鄒紹先

鄒紹先劉長卿同時人曾為河南判官與長卿相往還

詩一首

湘夫人

楓

一作風

葉下秋渚二妃愁渡湘疑山空杳藹何處望君

王日落水雲裏悠悠

一作油油

心自傷

李穆

李穆劉長卿壻詩一首

寄妻父劉長卿

一作嚴維詩題作  
發桐廬寄劉員外

處處雲山無盡時桐廬南望轉參差舟人莫道新安近

遠一作欲上潺湲行自遲

時劉在新安郡

馮著

馮著韋應物同時人嘗受李廣州署為錄事應物有詩以送其行詩四首

短歌行

寂寞草中蘭亭亭山上松貞芳日有分生長耐相容結  
根各得地幸沾雨露功參辰無停泊且顧一西東君但  
開懷抱猜一作恨莫忽忽

# 洛陽道

洛陽宮中花柳春  
洛陽道上無行人  
皮裘氈帳不相識  
萬戶千門閉  
春色春色深  
春色深一本無此三字君王一去何

時尋春雨灑

一作春色深

春雨灑周南  
一望堪淚下蓬萊殿

中寢胡人鳩鵲樓前放胡馬  
聞君欲行西入秦

一作西秦行

君行不用過天津  
天津橋上多胡塵  
洛陽道上愁殺人

# 行路難

男兒轔軻徒搔首入市  
脫衣且沽酒  
行路難  
權門慎勿

平人爭路相摧殘春秋四氣更一作相迴換人事何須

再三歎君不見雀為鴟鷀為鳩東海成田谷為岸負薪

客歸去來龜反顧鶴裏回黃河岸上起塵埃

一本作負  
新起塵埃

無客歸去至  
岸上十四字相逢未相識何用強相猜行路難故山應

不改茅舍漢中在白酒杯中聊一歌蒼蠅蒼蠅奈爾何

燕銜泥

雙燕碌碌飛入屋屋中老人喜燕歸裏回繞我牀頭飛  
去年為爾逐黃雀雨多屋漏泥土落爾莫厭老翁茅屋

低梁頭作窠梁下栖爾不見東家黃鸝鳴噴噴地盤瓦  
溝鼠穿壁豪家大屋爾莫居驕兒少婦採爾雛井旁寫  
水泥自足銜泥上屋隨爾欲

王迥

王迥家鹿門號白雲先生與孟浩然善詩一首

同孟浩然宴賦

一作題  
壁歌

屈宋英聲今止已江山繼嗣多才子作者于今盡相似  
聚宴王家其樂矣共賦新詩發宮徵書于屋壁彰厥美

李煜

李煜宗室子官弘農太守宗正卿賈至常為撰制詞詩

一首

尚書都堂瓦松

華省祕儀蹤高堂露瓦松葉因春後長花為雨來濃影  
混鴛鴦色光含翡翠容天然斯所寄地勢太無從接棟  
臨雙闕連甍近九重寧知深澗底霜雪歲兼封

敬括

敬括字叔弓河東人少以文詞稱鄉舉進士又應制登科累官右拾遺內供奉殿中侍御史天寶末以不附楊國忠出為刺史遷給事中兵部侍郎大理卿大歷初詔選循良為近輔以括為同州刺史入為御史大夫卒詩一首

省試七月流火

前庭一葉下言念忽悲秋變節金初至分寒一作空火正流氣含涼夜早光拂夏雲收助月微明散沿河麗景浮

禮標時令爽詩興國風幽自此觀邦一作邪  
休

正深知王業

御定全唐詩卷二百十五